

湖
海
詩
傳

湖海詩傳卷三十四

青浦王 昶德甫輯

黃景仁

字仲則武進人諸生有兩當軒蔗梢諸集

蒲褐山房詩話仲則風神玉立世比叔實年未弱冠所撰小賦新詩已有綢月揚州之譽既而彈鋏依人歷游楚越又從竹君學使于皖桐及回京從予受業務爲陶覽博聞之學故所通名山水探奇歷險才力皆足以發之激昂排莽不主故常信其所至正如溟流鯨客憑化明珠米嶺麻姑俱成丹粒既變試不遇乃充四輦全將館勝錄叙當得主簿未及選復游秦晉復于蒲州運使沈君既堂及余與畢秋帆交則之而時洪稚存亮吉又往經紀其喪始得歸于武進生平所作未有成編余遣人赴蒲錄其集以歸最爲完善循環吟諷不啻哀猿之叫月獨雁之啼霜也傳本參差世雖有愛而梓之者然去取失宜今詳加決擇存全本於書塾中以待後之篤嗜者之定論

登千佛岩遇雨

水落千山秋天空一江碧賈勇登巉巖決背瞰危壁獵獵虎嘯林陰陰龍起澤膚寸足下雲條已際天白急雨翻盆來疾

雷起肘腋同游三兩人相望失咫尺飄然冷風過烟霾漸消
迹雨脚移而東長虹逗林隙山翠濕淋漓苔空見白石快哉
今日觀橫寫百憂積山川美登眺嗟余在行役陟高峻親廬
犯險乖子職歸當置濁醪孤酌奠驚魄

舟發西安至東岩夜泊

清晨發西安四野動雞唱人烟起橘柚村落隱相向川景明
朝暉宿霧自消蕩萬壑霜風乾清江寂無漲一一過巉岩入
江更多狀出沒窮雕鈇盤回互佩強舟行苦相持帆勢忽阻
喪所喜泉石清終日娛聘望短晷歎西馳蒼岩更孤傍隱隱
遠峰出稍稍明月上遙指常山程終宵一惆悵

雨中遊桃庄看飛泉

卽東坡題驢泉亭處

搜石乃得泉泉流更洗石石淨淨天青泉飛化虹白山中連

日雨深塢絕行跡誰知穿雲來乃有問泉客左右聞澗聲尋
源固不隔懸崖忽當面飄沫時濺額俯掇星迸潭仰怖雷破
壁一與洞壑緣分支已千百稍憂旋翻銀微渟頓澄碧大海
及汙潦安知後所適保茲在山心莫忘初境窄逝矣眉山翁
誰歎證心獲

雪夜至亳州

信帆溯清渦歲晚水源閉適我將舍舟風雪塞天地襍被輕
易肩書簾愛難棄絮帽不暖頭迎面玉龍戲夜色斂郊垌一
白了無際虛光紛四來極眺快心意如乘剡溪船興發忘所
自如龔蔡州軍銜枚走精騎一髮見南譙界天明睥睨此邦
古都會人物挺殊異當塗斯沛豐三分推吉利文采擅一門
雄威振當世霸圖荒已陳英風渺焉逝鬱我懷古心香醪就

市貨殷勤愧館人幾訶去關吏解裝然濕薪孤吟聊擁鼻急
雪一打窗空宵客魂悸

觀潮行

客有不樂游廣陵臥看八月秋濤興偉哉造物此巨觀海水
直挾心飛騰溟溟萬萬夙未駕對此茫茫八埏隘才見銀山
動地來已將赤岸浮天外礧岩礧岳萬穴號雄吟六節
搖豈其乾坤共呼吸乃與晦朔爲盈消殷天怒爲排山入轉
眼西追日輪及一信將無渤海空再來或恐鴻濛濕唱歌踏
浪輸吳儂曾將何物齎海童答言三千水犀弩至今猶敢攫
其鋒我思此語等兒戲員也英靈寶南遊只合回頭撼越山
那因抉目仇吳地吳顛越蹶曾幾時前胥後種誰見知潮生
潮落自終古我欲停杯一問之

後觀潮行

海風捲盡江頭葉沙岸千人萬人立怪底山川忽變容又報
天邊海潮入鷗飛艇亂行雲停江亦作勢如相迎鷺毛一白
尙天際傾耳已是風霆聲江流不合幾回折欲折濤頭如折
鐵一折平添百丈飛浩浩長空卷晴雪星馳電激望已遙江
塘十里隨低高此時萬戶同屏息想見窗櫺齊動搖潮頭障
天天亦莫蒼茫却望潮來處前陣纔平羅刹磯後來又沒西
興樹獨客吊影行自愁大地與身同一浮乘槎未許到星闕
採藥何年傍祖洲賦罷觀濤長太息我尙輸潮歸卽得回首
重城鼓角哀半空純作魚龍色

晚泊九江尋琵琶亭故址

晨發黃州郭夕宿潯陽渡沙平岸濶不見人瞥過千重萬重

樹潯陽渡口風蕭蕭江州城外魚龍驕匡廬作雲半紅黑倒
吸白浪如山高是時日落葭莢暗盆浦瑟瑟生寒濤一舟衝
浪去杳杳獨雁帶雨來迢迢角聲振木木葉脫秋聲漸高秋
思發無言攬袖起徬徨却倚蘭橈望天末吳頭楚尾烟冥冥
獨立百感來無情江風吹面酒亦醒掣笛吼作狂龍聲短衣
踴踏步沙瀨草間尋得琵琶亭崩堤毀岸人跡絕狐狸跣嘯
鼉鼉鳴昔聞樂天此問夜送客琵琶聲停江浸月擬向江山
作主人却因商婦悲遷謫我亦天涯有淚人對此茫茫慘無
澤吁嗟乎淚亦不必落愁亦不必愁君不見茫茫九派東向
流千古萬古無時休我家乃在東海頭西風滿意吹數日一
笑可上吳淞舟莼鱸蝦菜萬事足安用江湖歎敝裘

竹君先生偕宴太白樓醉中作歌

紅霞一片海上來照我樓上華筵開傾觴綠酒忽復盡樓中
謫仙安在哉謫仙之樓樓百尺笥河夫子文章伯風流髣髴
樓中人千一百年來此客是日江上同雲開天門淡掃雙蛾
眉江從慈母磯邊轉潮到黃牛亭下回青山對面客起舞彼
此青蓮一抔土若論七尺歸蓬蒿此樓作客山是主若論醉
月來江濱此樓作主山是賓長星動搖若無色未必常作人
間魂身後蒼涼盡如此俯仰悲歌亦徒爾杯底空餘今古愁
眼前忽盡東南美高會題詩最上頭姓名未死重山邱請將
詩卷擲江水定不與江東向流

虞忠肅祠

瓊帳如雲甲光黑飲馬完顏至江北六州連棄兩淮墟半壁
江南死灰色雍公倉卒來犒師零星三五殘兵隨勤王一呼

草間集督軍不來來亦遲萬八千人同一泣卓然大陣如山
立海陵走死賊臣誅順昌以來無此捷降旗斫倒十丈長六
飛安穩廻建康此時長驅有八可以笏畫地言琅琅不可與
言言不必有復中原豈今日五路烽烟百戰平三巴門戶崇
朝矢卽今青史尙餘悲卽今戰處留荒祠寒蘆半沒楊柳口
白浪猶衝采石磯江淮制置亦人傑下流觀望何無策再造
居然賴此人不是儒生敢輕敵蕭爽鬚眉一代雄誰令遺骨
老蠶叢招魂縱有歸來日應在吳山第一峰

黃山松歌

黟山三十有六峯峯峯石骨崢嶸松有時松石不可辨一理
變化千年中丹砂琥珀共胎孕亭亭上結朱霞封人言松相
遜石相卽以松論何能窮沐日浴月暈蒼翠苔色散點周秦

銅竊峭上偃雨君蓋糾結下固靈蚪宮鱗張鬣縮爪入肉萬
劫避過雷火攻昔觀圖畫訝未見到眼更覺描無功懸崖嵌
峒不知數莘莘縷縷皆鬼工及至觸手膏溢節極瘦駁處春
華同清泉洗根瀉滂泱瑤草分潤生蒙茸翻疑石相奇太過
相助爲理論始公青牛伏甌不可得幾輩對此顏如童明當
遍覓茯苓去短鋤碎剷千芙蓉

歸燕曲

玉露零堦葉飄井巢燕差池去無影別路三千紫塞長秋風
一夜烏衣冷可憐欲別更徘徊莫氣繁華眼倦開易主樓臺
常似夢依人心事總如灰珠簾十二斜陽下淒涼幾閱流紅
卸昔日拋花散綺筵此時掠草辭歌榭海國回頭霧百重可
應魂戀舊房櫳玉京臂冷紅絲斷神女釵歸錦合空亦有江

南未歸客年年社日曾相識故家子弟半飄零蘆花滿地頭
俱白朱雀航邊伴侶稀鬱金堂上故巢非拋殘一樣新團扇
辛苦三春舊舞衣感恩幾輩同關盼忽待明年更相見一任
泥拋落月梁那堪門掩無人院伯勞東去雁南來百遍相呼
誓不圓天空自有低飛處不是同心莫浪猜

聞愛督從河南歸

不飲忽忽傾千觴朝聞故人還故鄉夢魂飛渡京口樹覺來
海月烟茫茫七年南北頻回首別後狂名滿人口結客都從
燕市多愛才肯落平原後昨夜聽雞函谷來衣裳紫氣猶餘
否洛陽縣裏花愁風銅駝陌頭荆棘叢知君懷古意鬱勃乃
使黃河一綫盤君胸緱山暎夜鶴少室聞清鐘下視唐陵漢
寢竟何物嗚呼此游真足驕吳儂我行飄落無所惜歲歲年

年去鄉國所愧平生拜母交阿蒙碌碌常如昔北海空勞薦
襦書仲宣未是依劉客太白樓頭不見君謝公宅畔苦離群
欲邀紅燭三更話除借青山一片雲我輩相望各蒼老萬事
期君致身早不然痛飲酣青春坐擁列鼎兼重茵哀絲激肉
寫懷抱堂前醉倒三千賓出門大笑忽萬里莫使醺雞笑殺
人

花津

一燈低昂向船久萬元千搖至津口船頭正與沙堤平拂面
穆穆水楊柳風前魚鼓已報更岸上人家尚沽酒客來小飲
飲卽醺三兩依依話村叟歸塗忽散草上螢顧影防驚竹間
狗時清喜無盜賊警波平未是蛟龍藪江湖自我野興長鷗
鳥於人宿緣厚沈吟露下那得眠獨倚篷窗數星斗

退潭舟夜雷雨

山僧夜半敲石火照見古壁騰龍蛇岩風忽刮一燈滅驚起
百鳥鳴嘔啞千林萬竅浩呼洶俄頃急雨翻銀車嶺頭墨色
接天色白處雨腳垂如麻我舟忽爾移斷岸噌吰水石聲交
加舟人繫纜爭性命千丈一落分毫差懸崖怪樹電光裏龍
顛虎倒猶盤拏誰知暴雨不終夕打篷漸歇箏琵琶前山已
復掛銀漢隔岸尙見飛灘沙當窗絕壁不能上薄雲來往明
於紗草頭點點散螢火水上閣閣鳴青蛙新涼美滿雖快意
但破好夢方還家

蘭泉先生齋頭消寒夜集觀鄺湛若天風吹夜泉硯

作歌

第六分書下小行楷編

門鑰收魚漏停簡通政高齋夜張譙燭輝沈沈酒氣濃半酣

示客端溪研潤結雲腴細裊絲紫蒸玉暈光凝片有銘有印
了不疑明福洞主之所遺我公得此走萬里從征十載軍中
攜雷碩電燹奪不去蠻州惡溪沐浴之開滕發匣起光怪傳
觀四座群嗟咨研乎酌汝樽中酒似汝遭逢信希有昔伴西
山義士家今歸東觀名儒手當時海雪稱畸人棄家亡命走
鬼門摩挲銅柱度藤峽經過柱管窺五屯藍胡侯槃雄四姓
花面蠻姬更驍勁天女天魔舞隊奇阿夷阿等歌妝靚郎生
翩翩書記才陸離瑰詭相輝映是日猺獠屢跳梁生入虎穴
覘覆藏記成赤雅將有用研乎辛苦會同嘗一身終殉家國
難片石空留姓氏香何如我公佐 熙代嵩華森稜見風概
天子命佐征南軍讀書長獻魏貅隊馳檄纔清驃國烽
回軍又撒旄牛寨詩就常分豹畧餘書成總出山經外想當

草疏還飛文軍聲如雷寂不聞精瑩研石不盈尺墨瀋洒遍
天南雲歸來論功爵不次研乎與汝同策助公之英名動

明主四海傾心屬公輔會看一片墨池陰不日化作蒼生
雨我生萬事嗟蹉跎廿年人墨交相磨書生報國徒誑語
我不如研何其多傳聞同時有綠綺身後售歸錦衣子卽今
把玩知誰人何年劍合延津水惜哉見研不見槩購得我欲
傾千金持將獻公操一曲颯颯天風泉夜音

蘭泉先生招集蒲褐山房觀劉貫道蘭亭禊飲圖作

歌

卷尾書至元六年
春山山劉貫道畫

永和觴咏誰能繼蒲褐山房夜高會裙屐都饒晉代風風流
本屬王家事酒酣燭樹光模糊潑眼見此蘭亭圖悠然坐我
此亭上和風清氣來吹噓橫綃七尺何不有中山劉郎寫生

手名士爭慕馬渡餘苦心爲落龍眠後

李伯時亦有誤飲圖見畫譜

亭陰背山

面流水亭中主客竟誰是倚欄一老觀鷺群渺然欲逢情所

欣吾知此是王右軍一人偏右岸巾幘若爲蒼生動顏色不

絲不竹情不歡此是東山謝安石一人據案坐上風若欲自

命爲文雄仿佛應是孫興公當年作詩復作序似在慘淡經

營中其餘醉醒行坐亂無次一一皆具點睛勢或吟或飲或

笑噉不一雷同各生氣最後一客依修篁擁虎皮坐神激揚

脫非謝散騎合是袁龍驤四十二人盡豪翰何必皆詩皆有

傳士女空誇洛水游旌旗却笑華林宴古來文譙此獨尊亦

憑此畫方傳神後來買道圖裕陵隆準日角龍爲真真龍貌

得猶易易能觀此者嗟何人我聞伯駒先時亦有作吾家文

獻歎錯愕謂其纖毫微密極盡神試較龍眠定何若那得三

圖風雨條合并各出精靈門強弱不須望古窮幽探筵前名
士皆東南我公文章經濟赫爲盛時出不似典午末造無
益惟空談後來好事作真蹟莫畫當年畫今夕

圈虎行

都門歲首陳百伎魚龍怪獸罕不備何物市上游手兒役使
山君作兒戲初昇虎圈來廣場傾城觀者如堵牆四圍立柵
牽虎出毛拳耳戢氣不揚先撩虎鬚虎猶帖以梔卓地虎人
立人呼虎吼聲如雷牙爪鼓中奮身入虎口呀開大如斗人
轉從容探以手更脫頭顱抵虎口以頭飼虎虎不受虎舌舐
人如舐穀忽按虎脊叱使行虎便逡巡繞闌走翻身踞地蹴
凍塵渾身抖開花錦茵盤間舞勢學胡旋去似張虎威寔媚
人少焉仰臥若作死投之以肉霍然起觀者一笑爭醵錢人

既得錢虎搖尾仍驅入圈頁以趨此間樂亦忘山居依人虎
任人顧使伴虎人皆虎唾餘我觀此狀氣消沮嗟爾斑奴亦
何苦不能決藩爾不智不能破檻爾不武此曹一生衣食汝
彼豈有力如中黃復似梁鴛能喜怒汝得殘餐奚補俚鬼
羞顏亦更主舊山同伴倘相逢笑爾行藏不如鼠

題翁覃溪所藏宋槧施注蘇詩原本

即宋商邱所藏
本後歸查初白

注蘇之難如注杜誰識良工最心苦永嘉本已芻狗陳商邱
刻擬景星觀終愁綴葺或失真遺辭浪說由儀補崑崙星宿
溯洪源紫鳳天吳工雜組廢書神游嘉泰年漕司善本落何
所誰知好物如龍騰六合翱翔擇其主巍然靈光歸寶蘇齋名
初白菴中此先時率更楷法久更新施顧同時一機杼詩外
有史史可增何必蟲魚門箋詁絕識博學兼歷年能事無慙

劍南序更從藝簡追混茫益歎今傳多錯迕古人所有不盡
有補之以臆母乃魯查田謾說能訂譌但存其舊不猶愈功
臣玉局自有真益友吳興奚取興來竟欲家置編化千萬
億光氣吐不令此籍遭泥蟠一爲詩生洗腸腐公如有意付
木工乞附姓氏公共許

湘江夜泊

三十六灣水行人喚奈何楚天和夢遠湘月照愁多霜意侵
芳若風聲到女蘿烟中有漁父隱隱扣舷歌

初九夜

拉雜雨聲收迢迢入夜愁送涼孤月皎得氣早蟲秋簾冷無
人院箏殘何處樓紅墻高尺五盼斷玉繩流

移家來京師

豈是逢時料偏從陸海居田園更主後兒女累人初四海謀
生拙千秋作計疎暫時聯骨肉邸舍結親廬
貧是吾家物其如客裏何單門餘我在萬事讓人多心跡嗟
霜梗生涯辨雨蓑五湖三畝志經得幾蹉跎

都門秋思

四年書劍滯燕京更值秋來百感并臺上何人延郭隗市中
無處訪荆卿雲浮萬里傷心色風送千秋變徵聲我自欲歌
歌不得好尋騶卒話生平

五劇車聲隱若雷北邙誰見塚千堆夕陽勸客登樓去山色
將秋遶郭來寒甚更無修竹倚愁多思買白楊栽全家都在
風聲裏九月衣裳未剪裁

送嵇立亭歸梁溪

只送人歸不自歸都門柳色故依依春寒未免欺駝褐野性
行當逐鹿菲見鹽鐵論去路江湖隨地濶到時櫻笋入筵肥爲君
更誦還山樂第二泉邊一浣衣

武昌雜詩

上游形勢百蠻分黯慘蠻天易夕曛西上荆門江一綫南來
衡嶺雁千羣郢中有客皆詞賦楚國何峯不雨雲誰信曲高
真和寡至今延露總難聞

由來作鎮未堪都花草吳宮又廢墟江漢欲浮天地外山川
渾老戰爭餘舳艫衝尾心空壯鐵鎖沉沙計早疎我喜時清
久延眺未因貪食武昌魚

夾岸雙城陡翠微登臨誰與共清暉更無老子連牀話敢望
仙人跨鶴飛嶺土鳳凰歸未得月中烏鵲去何依漢陰咫尺

愁相望何日勞生此息機

魯口帆檣取次開扁舟常繫鷓鴣磯
三春無樹非垂柳五月不風猶落梅
樓上休誇崔顥句天涯誰識福衡才
可憐夙負黃童譽漂泊翻成異地哀

春日客感

只有鄉心落雁前更無佳興慰華年
人間別是消魂事客裏春非望遠天
久病花辰常聽雨獨行草路自生烟
耳邊隱隱清江漲多少歸人下水船

金陵別邵大仲游

三千餘里五年遙兩地同爲斷梗飄
縱有逢迎皆氣盡不當離別亦魂消
經過燕市仍吳市相送臯橋又板橋
愁絕馭鈴催去急白門州柳晚蕭蕭

程夢淵

字荆南丹徒人貢生官清泉知縣有松寥山館詩鈔

蒲祠山房詩話松寥集資清以化乘氣以霏如琨臺瑋島間被仙霞而飲甘露所謂水仙影旁小樹半樹未足喻其芳潔也蕭真幽潛直匹王阜後試合湖南靈覽蒲淵山水之勝寓書于予以此自誇然未嘗見其篇什中年祖謝不
竟其才世之教洗俗塵而謫宿加者五言古詩必染指於此

西泠夜行

日夕湖水清蒼茫月明裏水清不受月月出見湖底遙山隱
鱗鱗微波空瀾瀾星星漁火生杳杳擊音起開簾向空綠一
碧見千里空明溯流光沿緣擷蘭芷盈盈渺難卽臨風懷彼
美

雙溪納涼

徙倚臨前溪坐此嘉樹林蟬聲在高柳晚風送餘音菱荷靜
如拭幽香散冲襟乍看涼雨歇復喜歸雲陰濯濯溪上月冷

冷手中琴一彈復一吟悠然清我心

張公洞

曲蹠下幽磴山形如釜覆霹靂弄奇險明晦判前後老僧向
予言終年失昏晝深黑莫敢窺涓涓滴垂溜仙鼠不避人撲
撲近衣袖真靈匪云遙轉睫或可覲行行路忽阻仰見天光
透振衣陟崇嶺決背俯平岫山魃獻諛媚雲物羅綺繡薄暮
難少留荒寒嘯羣狖顧我心跡清何時脫塵垢僊乎丙子翁
子茲葆貞壽

西溪水宿

殘月下柁樓鳴榔破幽寂露稀天益澄水遠星初墜遲明啟
篷牕峭寒襲衣被時有微風來菰蘆響清吹水花不知名輕
盈送香氣渺矣孤客懷子焉發遐思

歸次雲陽

朝發香草湖曠然豁胸次秋雨澄鮮新晨光蕩溶溶稍見遠
山橫空波落寒翠沙禽流好音岸花適陽意迢遙建陵口宛
轉香林寺一往烟水深爽焉脫塵累羨彼鷗鳥情飄飄何所
繫

夜宿雲林曉步冷泉亭上

深夕憇南磻龕燈照清宿無風松自響未聽先滅燭中有太
古音泠泠漱鳴玉乍疑吹笙竽漸似拂琴筑不知雨是水半
偈飯玉局靜極轉無寐侵晨步幽谷來登泉上亭新涼滿風
竹石色含古陰苔坂上衣綠泉心無熱惱冷趣自能足悟彼
寂中喧衆響愈幽獨因知石上泉清機時往復泉石本無聲
自此偶相觸何須辨無無初陽散林麓

晚入海嶽菴中訪友人閑話

風景類西江循途下山麓歸鳥破曉色閉雲翳叢綠言訪素
心人經聲出深竹禪扉晚不關一徑入祠屋相遇無煩言清
吟坐空谷人寂香愈清談深茗初熟携琴憺忘還新月挂高
木

促席

促席坐寥寂素絲琴未張高齋客人去滿院松花香徑僻喧
山鳥人閒遲夕陽稍看巖壑暝衣袂早生涼

曉起大雪

茅檐明夜色晏起擁爐吟逸屋寒流靜開門雪正深微茫辨
籬落蒼翠失雲岑趁欲沽郵酒前溪不可尋

惠山

迢迢十八澗路轉復幽通坐倚泉邊石時來松下風攜琴修
竹裏蹠屐亂雲中欲就愚公隱心期或許同

南樓對月

孤鴻聲可數黃葉落無多復此南樓月離思渺若何烟開深
陽樹山接貢湖波明發歸帆遠乘風好放歌

優曇庵看梅

不復似人境好風來自東花明鳥影外香滿磬聲中徑入春
籬短窗開雪澗空只愁逝去所隔水訊樵僮

晚步甘露港看桃花

春雨過幽塢芳林明晚霞陽臨清溪水隱見碧桃花欲問仙
源路還來就釣槎何當入深處一訪隱淪家

春日幽居

臥聞春雨歇清曉啟南軒掃石苔花澗開門溪鳥喧因之尋
寂樂有得遂忘言自足幽人趣何須離垢園

春晚雨餘池上獨酌

雲薄不成雨夕陽開又晴園林極幽瑟池館悉空明酌酒瓊
花發懷人春草生登樓起遐思長觸謝公情

立秋日偶作

西堂不受暑况復晚風清一葉落無意悄然秋思生蘿陰歇
微雨荷沼作新晴爲問淮南樹招人若有情

晚過方丈訪松亭德士不值

巖棲十笏徑幽通定板初敲訪畫公碧欄松吟猿梵冷香厨
花掃鴛鴦空行旖旎定識授雲外詩卷何因出穢中閑却烟窗
雙塵柄片時清話未能同

廣陵客舍食魷魚有感

潑刺銀刀出水鮮
客盤樽酒對堪憐
試燈風裏初登網
少別春江又一年

送萬少滄之吳門兼懷吳門諸子

風絮飄零一愴神
傷心端不爲殘春
昨宵病酒今朝雨
況復懷人更送人

蘇加玉

字維晉號餐霞太倉人諸生有夢蟲吟稿

蒲褐山房詩話維晉才情雄傑骨力開張少時猶及見沈子大顧玉停諸先生備聞緒論而又以杜韓蘇三家爲宗同里汪衡玉少司空視學安徽江右河南所至必帶以同行性極好游凡遇名山故蹟必登臨吟嘯而去故集中所作極爲卓越結首皆益甚年逾六十猶作童子師以自給余嘗過所居細觀圭竇頽首而人見其敗壞破席吟咏自如雖貧病不難弗顧也

三月五日自九江赴饒州阻風大孤山次日進艇至

青山風橫浪逆瀕於危者數矣幸而獲免詩以誌感
九派何湯湯彭蠡漫浩浩江湖互吐吞日夜勢春擣放舟潯
陽郭帆指饒州道春氣遠空濛指點鞵山曉須臾颶風來雨
暗失江表篙師亟停橈繫纜依別島一夜苦雷吼明發仍嫋
嫋藏舟獲苟全速進禍迺開頭汎中流箭激快輕矯共嗤
勇退非利涉取機巧誰知風更狂振柁歎傾倒倚舷顏色灰
咄咄呼三老險夷信由命順逆人所造得勢請莫矜入坎悔
當早波濤何地無達者洞深宵獨憐我窮途投足真艸艸漂
泊誤依人忠信愧夙禱出險神或哀前途正未了何當返蓬
廬藜藿得一飽驚定拭淚痕默然問蒼昊

十八日發硃砂菴過天門至老人峰歷巢雲洞上小
心坡渡斷片橋抵蓬萊島穿一線天遂登文殊院

寺後萬峰擁峰峰插天勁間睇已蹈空前瞻翻陷奔升高固
有基陟麓豈云竟乍轉披蒙茸屢折入幽巖削壁劍倒懸叢
岫筍互迸沙崩激洄湍石亂肆橫亘險艱非一途攀緣絕孤
磴童僕駭徬徨朋儕策濟勝中道肯迴車一鼓不待更抱崖
十指牢垂岩一足賸屈膝摹過腹縮項低觸脛詎止蠶叢剖
直與鴻濛競天門手可捫老人笑相迎前行路復紆遞歷景
逾靚鑿洞白雲巢裂石蒼松孕瞥過小心坡罡風吹夢醒安
危慎走趨吉凶歸定命絕壑斷片躡危橋續懸緼混沌失全
天蓬萊徙真境叶縹緲文殊臺烟靄破鐘磬聳身入靜藍足
駐喘未定却忘登頓疲共詫奇詭併不從歷劫苦誰能造仙
聖

初春偕友人游大梁上方寺遂出郭登吹臺

昨日苦風沙今朝豁澄霽夙約聊可踐晴郊喜並轡河水渙
流漸堤柳圻芳意稍違閭闔喧宛造華嚴界幽思款禪關清
香滌茗器翹首企浮圖積鐵插雲際神禦河伯逃力制馮夷
避至今枝撐危尙駭波濤漬蒼茫梁宋跡歷刼獨未墜

上方寺有鐵塔

經河患古跡皆湮鐵路獨存

又問古吹臺郊外緬遺吹枚馬今飄零高李昔酣

醉芒碭雲久荒滄桑遞興廢一慟呼梁王日落黃河外悄予
罷登臨歸騎衝烟靄吊古意未休清秋冀來再

孟津渡河

夜宿河陽城朝發孟津渡旭日澹矇矓風沙莽圃互舍策臨
河湄登艫肆遐顧西自崑崙來三門束砥柱東走豁平原浩
茫寔始豫茲地尙滌漩下流更奔注禹跡嘆久湮遷徙代已
屢

聖世恤民艱堤帶發府庫大吏擁符節百僚競馳騫

安瀾今有慶宣房安足慕中流俯魚龍兩岸列烟樹南北歷
迤邐山川氣吞吐擬撰河清頌豈獨遠遊賦

曉發洛陽次函谷關

聞雞舞劉琨驅馬背洛邑世濤蕩曦霞曠景布原隰西馳越
數里岡壠驟匝崖欹輪側旋峰倒石欲壓白晝星沈沈黃
沙風獵獵四游篋笥中鑕劍戟插睥睨界雲懸仄徑梯空
蹕云是函谷關終古撐危堞又云楊僕移漢武始創立峭陵
華岳通柏谷桃林接熊耳搃其肸地肺貫其脅時平走星輶
世變屯組甲堅壁一夫怒環攻萬騎怯在德豈在險自焚悔
不戢虎視羣雄吞鹿逐劉項人誰知百二封莫敵三章法魏
晉迄隋唐戎馬血紛蹂幾見敗劉聰仍聞斷李密四四海今
一家夜戶且不闔戎壘桑麻叢山砦牛羊解徒此撫重關慄

慨吊前劫未棄終軍繻漫効步兵泣龍鱗拭寶刀摧鋒韜玉匣

書魏叔子大鐵椎傳後

鐵椎一擊天欲拔重五十斤柄摺環壯士揮之如弄丸十盪十決人馬奔出沒隱見疑鬼神風馳電掣星斗昏決戰夜半賊若雲摧枯拉朽安足論髑髏僵立敗馬蹲壁上觀者驚心魂歛忽大叫馳騰輪但見百里揚埃塵豪健在數宋將軍壯士如此真不羣嗚呼壯士真不羣胡不盪滅秦寇掃楚氛

十九日登文殊臺看前海諸峯放歌

夜宿文殊院曉上文殊臺文殊何年此趺坐須彌芥子納九垓普門行者感靈夢誅茅願力何雄哉左獅右象互蹲踞玉屏背枕相差排前面陽崖數十丈佛座突兀依中台攝衣拾

級眼界濶但見千峯萬峯掀舞空中來殊砂日映絢紺碧桃
花爛漫天邊開八卦森羅列老人似嬰孩層巒峭壁不足數
一一磧底抽根芽指點昨日所來路蛇穴鳥道交縈回仰睇
天都最奇崛青蒼一氣連斗魁渾元運化萬萬古天地未闢
此峯精氣先胚胎六鰲不能戴劫火不敢災五岳爭雄失却
一大物逃入黃海羣峯崩角誰能儕獨有蓮花不肯下一莖
萬朵凌虛栽蓮蒂蓮柑苗秀色千年不謝長滋培猶恐勢孤
力未敵旁擁蓮蕊高崔嵬歷歷出沒雲濤堆罡風吹掃轉瞬
盡又覩軒轅羽駕乘雲廻高臺壯觀有如此憑凌大呼舒胸
懷半生落魄世齟齬撫髀日夜嗟摧頽功名富貴有定命深
山窮谷無容媒浮邱容成日攜手庶幾陶寫中心哀君不見
文殊院中老僧如死灰獨占絕頂居蓬萊

文殊院止有一僧似三
四十歲人而問其年但云

五十餘年不下此臺矣不稱經止朝夕誦算法九九數百遍以爲功課冬夏不易衣每百一食慈光寺僧給之有時不繼或五六日不食見客但稱爾汝無世法與之財物不辭不謝慈光寺僧來取去

九龍潭瀑布歌

一龍奮爪攫烟霧一龍弄珠互吞吐復有一龍掉尾游尾拖
十丈藏其頭其餘六龍各驚繞鱗鬣開張勢天矯咄哉九龍
非真龍迺是瀑布懸晴空奔流穿雲抉石走石破凸凹屈作
九壑怒欲洩氣更豪轟雷聒耳陰風號萬峯雨注澗水滙鴻
洞一霎翻雲海只今久渴無飛泉泥蟠寒谷龍穩眠欲布甘
霖滿寰宇會待風雲上九天

苦熱行

鄭州作

吾聞豫州天下中陰陽和會徵時雍胡爲自春徂夏苦赤旱
但有烈日無清風六月溽暑愁蘊隆炎帝赫怒驅祝融圓蒼

爲爐地爲炭寔以萬物銘作銅渴龍鼓鬣騰煙空火珠迸射
六合紅烏鳶張口牛馬喘草木焦卷千山童可憐客子如投
籠官衙湫隘難爲容唇乾口燥汗被體晝立夜坐心冲冲况
復卷帙紛填充黃茅白葦何厯茸手操栗尾罷搖扇神昏意
倦迷濩瞶渺然天半二室峯峯前漢柏涼陰濃玉女窗中貯
冰雪逍遙谷底鳴琤琮近在百里行可從曷不追暑扶吟筇
不爾黃河萬里驚濤洶盪滌煩酷開心胸濯纓濯足雨清絕
直欲穩臥蛟龍宮吾家吳江東復東五湖三泖環瀛通鷺鷥
宅藏楊柳渚芙蓉屋繞菰蒲叢中有赤脚漁簑翁撥頭艇子
遮短篷往來烟波唱欸乃三伏那怕炎威攻別來此景久未
逢風塵襍穢悲途窮安得金飈掃塵歟清涼玉宇懸高穹

淵明非隱士解帶竟歸田乞食得無拙躬耕聊自全壺傾仍
獨酌琴在不張弦故里今猶識桃源何處邊

文信國祠

舟覆崖山後中原恢復難自甘流碧血果肯戴黃冠諸葛心
存漢留侯志報韓空山儼祠宇松柏颯陰寒

春盡日雨中過藍橋夜泊石港

暮雨渡藍橋征途去轉遙雲兼愁思積春與客懷消白鶴歸
來晚青絲日夜凋停帆石港宿仙夢憶吹簫

蔚村先生移居

五岳神遊路未通依然蹤跡落寰中襟懷欲拓千間厦嘯傲
仍無一畝宮差擬江湖隨泛宅縱非羈旅亦飄蓬何年果得
頑渾住倚棹春風放釣筒

先生蘇陳陸趙頭渾
舊隱故別號蔚村

桐廬

桐廬風景入清妍一葉凌虛坐渺然
山色倒涵明鏡裏江流遠瀉白雲邊
松杉滴翠宵藏雨鳬鴨衝波曉破烟
欲訪仙靈棲隱處結茆常得伴林泉

晚泊黃泥坂次陸所亭韵

風祖蘭橈繫晚汀空江細雨共冥冥
林間鳥去村烟白浦外漁歸岸火青
客緒如絲吹易亂春陰似夢喚難醒
誰將古調翻流水驚起魚龍夜半聽

秋夜尋岑山星巖寺

雨歇殘陽滅遠岑暗中搖櫓度雙林
水分島嶼灘聲緩寺隱藤蘿石逕深
法界燈明塵夢覺空山秋半夜寒侵
到來四大禪牀穩臥聽清宵響梵音

宋州

南北江山一郡分

歸德府江淮而通關陝為南北要衝

襟喉保障鎮雄軍

朱梁為宣武軍後唐改曰歸德軍

孟

豬遠撼黃河浪芒碭深屯赤帝雲張許至今為厲鬼

郡有雙廟羅

袁異代起妖氛

魏汝才黃時中與李自成為明末流寇

黍離磨滅滄桑跡畫角城樓夜

不聞

南陽

南陽氣象向氤氲發迹英雄漢代聞高密建功能再造武鄉
遺憾竟三分消川壁壘迷荒戍新野旌旗卷暮雲成敗興亡
誰可料霸才王佐各超羣

琵琶亭

琵琶亭外水連天落日帆檣佑客船不待秋風波浪急潺湲
夜夜人哀絃

獨客停橈喚奈何
晴空渺渺湧春波
天涯淪落相逢少
未覺當年墮淚多

殷如梅

字果園元和人諸生有緣滿山房存稿

蒲謁山房詩話果園安貧樂道苦節自貞乾隆庚子泰子區 舉至吳園借抄斗初
步屐往訪之曲港一灣衝門兩版在橫橋疎柳間單氣屢空嘯歌不接蓋錢穀居防
一流人也句如荒唱微微知寺遠松陰點點賣山深好句有時此人盡閑情無日不
提靈蛙聲四起夜逾靜月影半沉星倍明身賤底須深處隱才疎敢放醉時歌東風
綠到門前柳小雨香生砌下蘭深窠受黃梅雨小小蟪蛄前紫紵茶雨中花鳥都無
懶病後詩文微放低茶烟不共晨炊斷梅雨能令午夢涼將添菊枕因花老欲都
懶爲紫萸半畝瓜壺秋色早一庭梧竹雨聲多亭名放崔橫烟靄惆悵呼猿杜宇
蘇林臥真堪忘歲月樓居應不煩神仙置之石湖居士集堯峰詩鈔中孰能軒軀

晚步寄張丈岡

悠悠溯秋水獨步空塘晚
蟬聲不厭多山色偏宜遠
借問素心人何時共消遣

宿清淨菴

凄然不成寐獨夜多虛警雨檜雜風篁聲喧轉幽靜隔牕梵
唄歇知是僧初定

晨別石佛寺

空山多清響夢覺悵幽獨起看朝日升露光泣衆綠羣芳襲
人衣孤雲娛我目樵唱聽還失隱隱在深谷靜對澄潭坐閒
持道書讀此境惜暫遊何時得再宿飯訖辭林僧回首隔川
陸

蔡將軍歌

名人龍

戔戔均房山迢迢大藤峽猛獍據其中走險猿猱捷將軍父
子真英雄曾討南粵征西戎忽然奉命來勦賊直前孰敢撓
其鋒林箐何深路何惡此時勇氣十倍作蛇矛天矯入羣巒
自袍血濺紅斑斑援師不至將星殞戰馬悲鳴人力盡力盡

下拜謝至尊曰臣某某死國恩烟塵黯澹風慘冽銜鬚拔劍
當轅門紛紛漆齒爭馳突馬革猶存尸竟失長君痛憤激諸
軍殺氣呼聲逼陣雲背負如生元帥首盤空一鶚滅鴉羣淨
掃妖氛看倏忽直是陰魂護殘卒吁嗟死綬自古多轉敗爲
功得幾何至今嗚咽潯江水遙和陳安隴上歌

題山家壁

茅舍此山邊寥寥八九椽炊烟籠竹樹人語帶風泉耕鑿非
逃世棲遲不記年卜居如有意幾許買隣錢

韓蘄王碑

峻嶒片石硯山旁忠武勛名日月光尙憶使船如使馬獨憐
擒賊未擒王幾年驢背英雄老千古龜趺歲月長共道中興
功第一行人瞻仰奠椒漿

宿中白雲

布衾紙帳夜初寒
禪室幽閑夢亦安
不聽松風牀下響
那知身在白雲端

朱士廉

字孟容號醉竹休寧人
昂之子監生著有垂琴閣詩集
晚過寒山復返支硎

疎林霏夕靄
古寺滴寒泉
笏立疑無路
峯迴別有天
野茶花點雪
密竹翠含煙
欲借招提宿
飄然意若仙

朱履長

字仲恒休寧人士廉弟監生

送吉人從祖歸桐鄉

日落旗亭晚
扁舟獨問津
小樓今夜雨
撰杖與誰親
遙憶鴛

湖路微波長綠蘋
山歸臥後悵望寄修鱗

過中峰登水明樓

閑尋松下逕更上水明樓
空翠諸峰滴寒泉衆壑流
風生叢竹響雨霽白雲收
擬託東林社常從慧遠游

韓是升

字東生吳縣人諸生有聽鐘樓詩稿

插秧

夏至風雨時秧針秀如翦
村農力作勤插蒔足皆跣
溝塍畫短長泥淖測深淺
行分翠剡齊莖比青莎軟
開軒面平疇倚杖看遙嶽
愧彼田中人筋力各黽勉
但期禾黍熟簞笠傲軒冕

張貞女詩

女未廟見死歸葬女氏黨明文載禮經未嫁豈容往夫死而
守貞例不旌門榜張女秉志堅許字姓恥兩聞喪絕水漿飲
泣意悽惻阿父諒女心改節勢難彊衰經歸陳門篝燈事績
紡績同古逸民遭變伏榛莽肯緣章縫賤再作出山想操勵
清霜嚴懷澄皓月朗君綱與夫綱道在不可枉當其矢志初
焉計破格獎一心貫始終大義炳天壤

張公洞

出門不逢人撥草始得徑洞從地底入其口小如磬黝黑無
陽光秉炬僅能映握衣行不于積雨苦泥濘蹉跌筇難支登
降足交病童奴捷如猿扶掖倚爲命中間忽豁朗驚魂坐稍
定鹽堆與米堆仙牀及仙甌領畧豈能遍奇自太古孕垂垂
石鐘乳融結類晶瑩石燕時飛翔翾躍羽毛淨欲尋庚桑公

遺跡渺難証記傳多支離傳會詎足證盤旋見天日奮迅出
深窅回顧百丈埒凜凜汗流髣細認磨崖書福地到生慶

古篆張公洞
天福地六亭

齊河旅次逢姜度香少司寇使旋

使節遙從雉水還相逢一笑客途間故交屈指如君少過客
何人似我閒此去全家依粵海幾時重晤上燕山則瞻北極
星辰則梁月時疑照舊顏

徐麟趾

字春書秀水人監生有荔村詩鈔

蒲嵩山房詩話春書本籍豐湖仁居邦上於肅雅雨邇使稱詩弟子是以江浙有流
輒多頓菴金冬心農題其像云一卷詩比瓊瑤幾殘手人不知酒有餘嘆自昔詩星
誰南路徐王穀原又曾贈以詩云十年小別東瓜嶺一夕相攜忘笑塵天振詞人問
醫旅未終明月繼吹簫幾處新詩點淡吟天涯單道有知音中平偏與似寒食典去
衣美又典琴高道自沙江口住近講家具夢揚州腰纏一笑原鳥有鶴行商樂陶
耐秋葉落淮南原夢殘可知門下故家嫌不如歸汎南湖月占得陽沙把釣竿

歸真州草堂作

望裏柴門近西風一櫂歸夕陽在樵徑落葉下漁磯山水清
無恙鷗鳬靜不飛家人懼置酒爲說癩初肥

蘭泉歸青浦別後卻寄

東風吹雨夜揚舲篷背瀟瀟可耐聽海市蜃烟孤嶼白江村
漁火一燈青長帆駕浪愁歸緩短榻懷人怕夢醒想見彩衣
歡拜母團圞春酒話家庭

寄都門友人

屏跡幽耽水竹居枕邊無夢到華胥十年久絕彈冠想萬里
頻傳卻聘書月夕論文多弟子花時載酒半樵漁凌煙事業
推公輩戀我青莪老荷鋤

紅橋春望

誰遣韶光滿目前東風吹草綠生煙大堤楊柳環城郭小市
鶯花接墓田載酒豈無王司入李傷春只有杜樊川勾留最
是紅橋月一夢揚州十二年

懷人詩

韓水人來訊起居幅巾藜杖健如初閉門不覺窮愁老白髮
青燈夜著書程午橋夢星

相逢禪榻話蹉跎水繪園邊側帽過一自江湖空浪跡海門
風雨別來多姜星原恭壽

去年曾到官梅閣四壁吟看沈約詩病後知君圍帶減一番
風雪髻成絲沈沃田大成

蕭涼孤館對枯僧若獨能來興頗勝吟落峨嵋橋畔月水南
歸去夜分鐙李晴川少白

春風嘗過羅含宅看寫梅花當早餐別夢不知江水濶一庭
明月話秋寒

羅雨峰聘

金夢麟

字仁趾全椒人諸生有洗墨軒詩

過上谷郡

居庸關外路嵯峨古戍迢迢倦客過落日孤城懸上谷秋風
匹馬渡渾河寒沙匝地村墟少野火連天戰壘多伏檻空懷
千里志壯年歲月苦蹉跎

登懷安城贈孔明府曜南

文祁城倚最高峰草白沙黃朔漠空萬里邊牆寒日外諸羌
部落暮雲中地分燕趙山河壯天限華夷保障雄父老不須
權借寇北門鎖鑰付萊公

同江賓谷吳洪苟王古村葯根上人鐘越姪游平山堂

蜀岡憑眺楚天開人盡登高作賦才萬壑松濤排地起千重
山色過江來古今勝蹟留詩卷湖海相逢共酒杯指點招提
猶未遠更從支許講壇迴

陸象拱

字杏村長洲人監生有對柏山房集

蒲城縣烈女馬蘭香墓

曾參養曾皙顏路泣顏淵

二語係烈女口占

事有不一致沉吟起長歎

親恩豈不重節孝難兩全著我新羅襦采絲事事纏微軀委
白練大義何皎然涼飈掃蠅蚋溽暑時未闌觀者咸太息異
事今流傳人生等死耳此死重泰山忠孝無轉念稍遠則已

遷慷慨固非易從容良獨難讀書勵名教百行多所愆讓彼
蕙蘭芳清芬垂簡編

商於新開路

嶺泉垂百道山路更參差翠竹仙娥驛紅檣綺里祠猿聲驚
旅客虎徑問樵師莫歎張儀詐川原幾變移

鍾吾驛

已過鍾吾驛泖河一水環烟深伍相里城枕馬陵山鷗鷺隨
波靜漁樵帶月還白雲鄉未遠約畧隔重關

邗溝感興

繡陌曾驅白鼻駒春風離恨在天涯矮牆一樹花如笑記取
紅橋第幾家

湖海詩傳卷三十四

湖海詩傳卷三十五

青浦王 昶德甫輯

楊芳燦

字蓉裳金匱人貢生今官戶部員外郎有吟翠軒初稿

蒲褐山房詩話蓉裳驚才絕麗綴玉聯珠駢體之工幾于上掩溫那下儕盧駱而詩則取法於工部玉溪問填詞亦清妍婉麗兼有夢應竹山之妙乃僅以拔萃科選爲伏差縣令旣而逆回構亂烽火連天蓉裳嚴守孤城授子傳餐獨當冢突予時在鶴觚督兵堵禦草檄飛書往來問詢見其意氣自如嘯歌不輟知其必能辦賊事平後久之乃量授靈州又解筵十餘年始爲農部雖兼會典館纂修而終不獲與於承明著作之林殊爲憾事然聞京師盛致之盛必以君爲赤幘蓋光陰固不能掩也

雨夜喜洪大華峰趙大映川過訪

暮雨黯平林江雲莽無際隔牆榆柳葉策策鳴軒砌目極南
雁飛心傷北風厲董生園不窺仲蔚門常閉忽聞剝啄聲喜
見故人至得慰飢渴懷且暑寒溫例深衷互傾倒軟語及瑣

細憶昔我與君相望有年歲兩函魚雁字千里金蘭契牢落
賦停雲飄零嘆秋蒂今夕是何夕良朋許聯袂呼童掃蓬華
促饌供粗糲堆盤煮蔬筍沃釜烹鱸鰕君爲盡十觴我愧無
兼味落落忘形骸怡怡敘昆弟酒闌促坐語商畧盡文藝詞
壇日蛙黽雅道方凌替努力愛盛年等身富清製南溟鵬欲
化碧海鯨當掣決雲千仞翔臨風九臯唳曹劉競豪健李杜
誇雄麗古人今不作絕業君其繼入世葆聲華立言務根柢
苦辭慎勿忘前修永爲勵飢烏啼獨樹秋旻忽澄霽岩高初
月沉參橫衆星嘒嗚嗚哀角喧黯黯青燈翳匆匆撒殘檣悽
悽送歸柁相逢纔破顏話別重揮涕去矣莫復陳川原正迢
遞

寄懷錢三曙川

時曙川由
燕之陝

鍵戶絕將迎索居少歡意念我同心人飄零各天地憶昔我
與君旅舍欣把臂從此數招尋素心訂神契我齒少於君君
畜我爲弟文史相嬉娛金石互磋礪秋風暨陽城清樽夜同
醉爲歡無幾時旋判江干袂獻歲春之孟君作北行計買馬
料衣裝去應春卿試團雪苦易散飄蓬本無蒂會合不可常
蹤跡倏離異時時向西笑望君掇高第君本磊落才千細富
文藝名不忝翹材官應典中秘奈何金門賦屢上遭棄置九
萬始培風六月忽垂翅淒涼抱璞心惻愴迴車淚長安米價
貴居又大不易席從幾時煥駕向何方稅問訊北歸人語苦
未詳細昨宵聞剝啄蓬門來驛使燕臺三千里弱弟作齊贅
謂寄寄我一札書道君出幽薊單車度函谷意氣頗凌厲關中
昔天府平臯莽迢遶巨靈拓高掌破空出奇勢秦皇縱博處

箭括長丈二鈎梯不可攀仰望心已悸八川鼓洪濤噴飲入
清渭秦嶺瞰九嶷一氣鬱蒼翠歷歷漢唐陵豐碑矗如蝟月
黑松楸深森寒走妖魅君行恣憑眺到處頓征轡奇境入吟
懷奔湍不可制揮毫書峭壁乞火題破寺脫手皆珠璣錯落
盈篋笥浮名何足論此寔千古事嗟我獨何爲草間日憔悴
豈不願騰躍束縛有家累懷君百感集纚纚坐揮涕擲筆復
高吟天風激淒戾

可給廩

華林園蛙兩部前者吹後者鼓君曰給廩給廩可蛙言官家
不如我糲一盂挑數顆誰給糲憐君餓君不聞牝雞夜叫天
模糊齊趙厲吻相吞屠爲公爲私君知乎

爲果溪先生題友松圖

君不見元禮謾謾如松風長輿落落如長松誰其匹者今劉
公骨幹眉宇將母同公乎掀髯喜清嘯愛松之人與松肖並
呼妙手寫吾照十丈虬枝條夭矯調調刁刁江風涼霜鱗黛
甲爭閒張我公據石繡縹緗唱于唱喁狂非狂脫帽露頂神
洋洋嘒嘒翁支離叟一生孤直耐嘲詬朝華夕秀豈足偶彼
蒼髯者吾老友廿載摩挲最耐久一任羣兒笑衰醜松乎善
保歲寒姿盟以金石永不移竭來與子相娛嬉茯苓琥珀背
松脂屑而食之甘如飴良友所贈公莫辭公莫辭令公喜骨
青髓綠世莫比駐公光景三千年乘雲去友赤松子

貼梅扇子歌

扇爲同姬謹
小兒所製

九華官扇裁綺綺錯翠鉤紅世無比寧須漢殿織鱗毫不向
謝家誇麝尾活色生香點綴工折枝梅萼影重重孤山萬樹

花如雪飛入卿家便面中奪得仙人掃花帚收拾水姿出塵
垢畫圖嬌面試春風未許徐熙矜妙手纖指拈來上碧綃忍
令香粉逐春潮招涼曲院藏羅袖待月西樓傍翠翹吳儂小
招紅牙脆掩映歌唇逞妍媚吹到嗚嗚銅笛聲恐教顚顚水
花墜烟魂月魄太分明入手翩翩蟬翼輕借問當年誰鬥巧
依稀記得董雙成雙成家在揚州住門前便是紅橋路射雉
參軍正妙年飛梁架就銀河渡錦幙文牕貯粉兒明霞爲骨
玉爲姿劇憐妾命如花薄偏遇霜欺雪壓時當筵曲唱家山
破高家兵馬闌江過細雨關山正斷魂澹妝恐被塵埃浣歸
來魚鑣鑣重門寒食東風度好春妝閣新翻方翹樣一枝爲
贈遠遊人素英狼籍梨雲凍一去珠宮騎彩鳳塵世難逢萼
綠華師雄空入羅浮夢笠頭點點淚花圓剩蠶零纈總可憐

君不見謝娘團扇曲一般辛苦互流連

王氏漢官銅印歌

吾鄉王殿撰爲秦中學使時部民發冢因得古銅印
數百以歸今散失殆半矣余于其孫光顯齋頭見之
爲作此歌

北邱山勢何巖峩聚斂魂魄歸蒿藜墳封馬鬣土脉旺碑劖
蚪篆刀鋒鋸兕皮作擲堅且韌蜃灰墜壁幽而潛深林祇有
陰肯語黯隧不見陽輝暹健兒嘯聚試身手黑夜竊發揮鉏
鎌石扉雙閉脫局鑰鐵鞴碎落無帷帘碧玲埴壺顏玉盃雲
母卧榻青銅奩墓前推碎捧燭微懷中盜山滴水蟾最多繫
纍古印檢取去一一拋榛蕪可憐棄置賤如土誰能購取酬
以鎌王公遠宦越險阻王公諱雲錦古物入手窮該兼奇蹤詭跡搜

欲徧爛銅殘鐵求無厭俸錢探囊已罄竭古癖刻骨難鍼砭
裝充翡翠不足羨車盈惹以寧傷廉攜歸幽齋自摩玩未許
俗客來窺覘匪將玲瓏暨微尾配以斯醜和盒鬻土花斑剝
鸚鵡鏽血暈拉雜珊瑚鈴龜螭壓鈕妙刻畫蚪蛟蟠字驚觀
瞻嗟余好古生苦晚韓句對此懷舊情難忤雙眸注視屢叩轉
寸喙噤斷空舐鴿官銜缺齧辨螭扇篆籀估屈如嚙蠅中樞
權勢山岳重部曲號令風霜駸虎符制閭閻頻押龍章降省
名同僉奇物閱世久仍在餘威炙手今已燐吁嗟乎山陵半
入劫灰黑玉石莫逃野火炎世餘此物未磨泐天豈有意存
微纖荒原颯瑟伴孤兔幽巖黯黯叢蛇蚺精光夜上觸牛斗
靈神默護遡屏黔爲幸精英盡洩露旋恐零落無留淹著書
重訂琳琅譜蘊奇密銷瓊瑤械未央瓦礫作硯上林苑竹

磨爲籤蕭齋得此足三絕縱有奇物無容添

錢忠懿王金塗塔瓦歌

貝闕琳宮啟華闕云是錢王布金地椒牆剝落帖花狸龍帳
森寒鎖幽魅訪古人來叩法扁摩挲神物易漂零天衣中圻
青猊座切火延燒白氈經賸有嵯峨相輪在土蝕塵埋經幾
載什襲欣看趙壁完護持不共梁甌碎刻畫丹青入細磨幡
幢瓔珞現修羅徧傳大衆優婆塞共禮前朝宰堵波相傳此
是官中物錢王舊事人爭說虎落雄圖十四州龍天慧業三
千佛良工當日試雕鏤朱火烏金躍冶流七級浮圖初鑄就
人天珍重勝琳球一朝納土京師去蒿草蕭條故宮暮內府
圖書秘色密流落人間不知數瓜子南金賂趙公十瓶海物
尺書封裏蹶輸去黃華盡那有餘貴給梵官塵寰無路求回

向不如去逐降王長談禪早已放屠刀鏖戰底須排甲仗麟
帶貂袍拜太師一家湯沐奉恩私始知北面朝元日卽是西
方證果時間來日寫金經誦此塔依然作清供翹笑癡兒卧
榻旁等閒不醒維摩夢斷鐵零金總可憐劫灰寒燄不重燃
幾行蝌蚪書名字并識柴家乙卯年好奇今有平原子購得
奇珍歸趙氏余友吳陵趙氏映川聯句瑣瑣飢螽蝨蝕碎黃斑斑古血凝殘紫洛
下銅駝荆棘荒仙人流淚別咸陽古今一劍難回首幻影空
花悟法王

與劉三美堂夜話有感

一春兀兀抱愁坐面垢冠敝任慵惰良朋三五隔天涯對影
呻吟苦無那辟除妄念學枯禪諷誦金經當清課書牀不整
卷縱橫硯田久荒塵垢堦忽聞君自蘭陵來倒屣相迎積愁

破互看顏色憐枯槁共話生涯悲輾軻五言妙手出偏師三
耳雄談驚滿座忙壯幽州馬客吟淒涼夢澤騷人些嗟余少
小丁憂患回首風波苦掀簸胸襟自昔誇豪宕骨骼而今變
柔懦子卿痛淚洒牛衣許靖餘生憑馬磨險巷搥車悲寂寂
大澤迷途陷左左饑鷹縫目上新隄驚驥垂頭戀殘莖囊中
只剩一錢在桑下那禁三日餓舉世言愁亦欲愁窮年得過
權須過美君做儻才無敵壓軫連箱富奇貨明珠有價莫輕
投利器新磨寧忍挫當前人物愛輕狂長此窮愁哀我癯軟
語嘈嘈堪達夜倦僕頻頻又催卧殘燈照壁鼠窺觚寒柝敲
更卒巡邏微霜入戶夜氣清明星墮水寒芒大布衾如鐵枕
手眠愁夢闌珊不堪作

鏗金鉦曳大旆三月春刻賽神會東家西家喧小兒攔街叫
跳如狂癡須臾馬蹄來特特黃金絡頭珊瑚勒馬上人持紅
錦敕神從中央來奪隘聲喧狹神從門前過市人不敢坐紆
袍窄地穩稱身蟠絲孔雀銀麒麟當輿旌蓋交繽紛路傍富
兒指而笑昔年曾捨三千緡相追逐歡不足罄金錢娛土木
君不見寒女衣單不掩身老農夜守空倉哭

蓋神廟

匠人來築臺觀運甃磨磚二年半匠人朝不來太保行相催
廟中夜掣銀鐃鎖廟令大呼神怒我軀稜金爵高刺天一臺
築就十萬錢拋肥牲喧紙爆天平明蓋神廟明神坐中央廟
令翠趨踰布商米估爭解囊解囊來記誰某貧人錢落富人
手布五尺米一斗入市嗷嗷求速售一貫蚨錢九十九富人

萬金賤如粟貧人一錢惜如玉抽得貧兒手內錢施向神祠
種神福九級階十丈廊栽金嵌碧光熒煌土馬泥人立階阼
夜聲啾啾衆鬼喜廣廈萬間有如此何不移來庇寒士

珠江曲送徐大景春之廣東

芙蓉湖頭春水流芙蓉峰畔春雲愁沙棠雙槳木蘭桡送君
遠向珠江游珠江曲曲環南國丁星金翠繁華窟蠻鄉怪物
載龍編海國方言通象譯蜃雨魚雲積水東山川形勢霸圖
雄誰尋葛令丹砂井莫問劉鋹碧玉宮珊瑚扇子猩紅屐珠
江佳麗人爭說抹厲花開艷雪香檳榔子熟晴雲熱珠江淺
瀨漱金沙素足珠娘慣浣紗日煥章魚齊上水樹深么鳳共
銜花富商巨賈相誇衍奇珍入手如泥賤矇甲堆成亞字欄
鮫絲織就米紋練君去珠江南復南珠官風俗舊曾諳秋深

桂嶺爭鑽蠹春到花田學種蚶誰誇羅襪凌波步葉葉花船
粵溪渡怕被嬋娟一笑留莫耽香粉三年住無端送別黯銷
魂把袂臨歧未忍分我所思兮望明月君之出矣逐浮雲渭
城三疊殷勤唱碎曲零歌惹惆悵礪碗斟來且莫辭布帆吹
去應無恙十八灘頭走急瀧計程五月下珠江倘逢庾嶺歸
來使寄我羅浮繭一雙

喜汪大容甫

中

過訪長句贈之

汪生倣儻出世姿短衣孤劍將安之江湖流浪苦復苦人說
才奇窮更奇相逢每恨來何晚掃室殷勤開酒琖慘將何點
白葵羹捧出休源赤倉飯狂來不顧世眼驚相對拉雜談生
平文人失職有同病出吻各作寒號聲君言穉齒飢寒迫棄
擲詩書最堪帶弱冠方傳作賦才壯年始奪談經席五經復

興魯叔陵纍纍著作充箱簾心開窅冥深莫測面若刻畫森
有稜奔走風塵飢欲死撐腸萬卷徒爲耳肉食難分博士羊
草衣且牧公孫豕羌余少小趨雕華斧粢繡枕相矜誇愛儲
奇字未滿腹慣拈強韻空聲牙千秋絕業不同傳君入儒林
我文苑須識夔蛟總可憐何當蜚蜚聯爲伴坐談不覺日影
移榜人催上河之槩卽今一見復笑益翻令千里勞相思留
君不住我心苦握手臨歧涕如雨他時相望越王臺何日同
澆趙州土布帆無恙臨風颭秋來應看錢塘潮潮頭尙有雙
赤鯉盼君寄我英瓊瑤

時容甫將之湖
東卽以附行

晚春花事盛開因寄懷亦齋三兄荔裳二弟

去年看花人在家一春風雨空嗟呀今年花開春色好看花
人又涉長道從來勝事總多磨每向東君喚奈何九十韶華

逐塵土兩三伴侶隔關河昨日曾過妙香閣

亦齋兄讀書處

永晝沉沉

下簾幕蜂聲滿院夕陽斜一架藤花背人落歸來孤坐傍闌干抱影空堂慘不歡數盡銅籤人未睡薔薇花底露華寒醉紅軒駐東皇駕劉侯酌我來花下仙娥高捧赤瑛盤狂客爭持青玉壺是處看花勝昔年紫雲樓閣碧霞天銷除詩債何辭醉領取春光不費錢對景真應放懷抱底事閒愁倍潦倒白日惟看北嶺雲清宵不夢西堂草春來花事逐番新每對新花憶故人皂莢橋頭稀酒伴青楊齋裏剩吟身錦江水煖寅哥渡紫陌塵高卯君去鄉信千行托便風歧途一別悲零雨東頭老屋更西頭猶記年年選勝遊袖底新詩飛白鳳筵前妙令門潛虬別離未慣多憊憊翻悔當時易分手一語惡將驛使傳故鄉風物君思否春事闌珊花信遲別來何日不

相思櫻桃著子如紅豆轉眼江南四月時

爲段大蓉舉題修竹吾廬小照

生綃尺幅懷陰重萬个簣簣森欲動膩香罨地黑離離瘦影
綠雲青竦竦誰坐玲瓏綠玉叢出塵姿與此君同過江人物
今猶昔標令居然正始風跛脚科頭踞盤石冷翠空濛沁肌
骨嗣宗散髮待涼風摩詰停琴佇明月竹葉何須泛碧螺竹
枝不用譜新歌三樣草閣遺塵事象外烟霞領取多露初星
晚常相傍靜色孤根鎮無恙射鳴從教截作弓化龍可許攜
爲杖愧我官無一畝寬更無隙地着琅玕牽蘿補屋空惆悵
翠袖蕭蕭獨自寒感君過訪荒齋靜晚歲心期一朝訂此日
從君乞釣竿他時爲我開花徑嫩筍新篁好護持莫教遊客
浪題詩留將百尺青光在小字行行寫楚辭

寒夜有懷黃大仲則

景仁

荒林葉脫行人稀，嚴霜碎落寒霏霏。
初生月魄不照地，列宿錯落鋪珠璣。
鴛鴦東來鴈哀響，十五五排風飛幽人畏寒。
不敢出未到日暮，扇柴扉藜牀危坐擁殘帙。
一燈晝暝明晝帷懷君竟夕不成寐，反手據案長歔歔。
男兒作健好身手有淚寧向歧途揮，天涯倘得快心地。
絕勝窮巷號寒飢，但愁干謁不稱意。坐受俗物相嘲譏，千金辟土置幕府。
此風古有今則微，高秋與君一握手。幽齋軟語情依依，留君信宿不肯住。
勁帆健櫓如發機，迅焱忽捲歲華去。層冰滿野高崔巍，茅簷擁絮尚不樂。
况復遠道驅騶騑，何時爐下賈美酒對飲立解愁。城圍相思展轉天欲曙，晨風肅肅歌妃豨。

秋晚

竟日雨霏霏尋秋客到稀幽花寒不落獨鳥夜還飛石罅泉
聲細峯頭樹影微誰憐張仲蔚寂寞掩園扉

偶成

颺館梧桐樹先期報早秋一庭涼雨過滿地碧雲流犬吠人
爭渡鴉啼月上樓誰憐今夜客又作去年愁

寓感

倚竹蕭蕭彩袖寒爲誰憔悴帶圍寬思如園客纈千丈淚以
鮫人滴滿盤慵奏新聲調火鳳頻封密字託青鸞中庭檢點
閒花草莫種相思種合歡

庭院深深道韞家白銅鋪映綠牕紗朝妝嬾試金條脫夜被
空熏玉辟邪閒展畫叉臨北苑每尋仙籙憶東華懽除慧業
渾無計願上瑤臺掃落花

謁昭烈惠陵

玉壘山川拱帝都樓桑片土啓雄圖
普天齊奉黃初歷大統終歸赤伏符
八陣風雲長護蜀千秋魂魄悔征吳
相臣逝後降車出難問流離六尺孤

雨沙

疑是蓬萊清淺時海塵都向石山吹
半牀鼠躡長留印一桁鶉衣恐化緇
豈是唱籌煩道濟未煩障扇避元規
朝來農叟談黃雪預卜今年麥兩歧

俗云黃雪是麥

寒食口九龍山晚歸

買得蜻蛉一葉輕叩舷歸路不勝情
那堪佳節遶巡去又背名山宛轉行
新水遠浮菱荇綠夕陽低傍鷺鷥明
無聊賸有微吟興遙和漁童款乃聲

春感

侵晚空林題鵝鳴愁多不耐餞春行半池水氣蒸雲濕一角
霞輝抱日明到處揶揄應笑我此中空洞盡容卿洛生咏罷
支頤坐一任人嗤老婢聲

前生結習破書堆蠹簡零星散牖煤慧業生天誇謝客精心
奉道笑方回間塗故紙酬詩債細拾殘花當酒材正欲劇談
無客到東頭老屋盼君來

寄荔裳舍弟

土爾扈特霍碩特哈薩克各蕃部入覲回巢余奉

檄護送出境紀事四首

昔持英蕩朝 天去今向巖坡獻 壽回立仗許登三殿側
賜筵曾設九賓陪邊沙軟藉鋒車過塞草肥迎宛馬來職
貢萬方全盛事平安烽近赫連臺

屬薦文茵照地光錦繡稠疊壓歸裝歡聲直遣騰荒外珍品
從誇出 尚方玉節仍煩中屬國金符新拜左賢王 聖
朝綏遠無窮意長使邊氓慶樂康

邇迤郊原列旆旌城頭鼓角極和平秋星蓋野穹廬靜夜火
傳更戍堠明都護彎弓能飲羽名王上馬慣擒生自憐文士
無長技也挽絲韁傍塞行

馬蹄蹀躞響鳴珂鞞韜材官逐隊過萬里嚴程趨紫塞三秋
高浪渡黃河郵亭客去喧烏鵲古道人間散駱駝歸義好緒
新樂府白狼樂木入聲歌

畫船

山渚魚鱗浪廻堤雁齒橋橫粉張錦慢容與泛蘭橈羅襪凌
波步瓊烟貼水飄半篙新漲濶七里淥塘遙網戶垂銀蒜瑯

窻嵌玉玳簾編湘女竹扇剪美人蕉綵絡調歌鳥珠鈴繫雪
猶扣舷蕙葉岸解纜藕花潮迷迭含芳長蘅蕪蕪火焦繁華
今好在香粉未全銷午夜開華宴辛房出阿嬌約黃孫壽額
束素小憐腰粉鏡千回照雲梳百遍撩眉長勻翠黛髮膩輶
珠翹彩釜猩脣煮礪杯桂露撓風微衣麝散帆轉酒鱗搖射
覆圍蟲牙攤錢喝雉梟怕成泥絮果休負雨雲宵促坐心相
印舉帷目屢招犀筒銀液減蛤帳守宮消催賜纏頭錦還留
繫臂綃鴛鴦一夢覺烟水兩迢迢

初秋寄可齋六兄

靜坐思羈客離家已四年瞿塘翻惡浪劍閣鎖愁烟鄉味懷
鱸膾蠻風秀木棉關心驚朔吹灑淚聽啼鵲恨乏凌霄翻難
求縮地仙峰遮遙目斷月伴客心懸見說窮荒外猶聞羽檄

傳三旬苗逆命六伐士揮鋌魚壘祆氛動蠶叢殺氣纏電飛
橫海箭雲擁伏波船的的宵烽舉鳴鳴曉角宜平沙埋折戟
殘寇棄空拳火射荒燐滅風吹古血羶窺人走罔兩啄月飽
烏爲天意誅羣醜軍威震極邊獍梟兇自斃貔虎勇無前運
策煩諸葛回師縛右賢一麾臨的博七萃壓先零劍指星芒
落灰占月暈圓地開金馬郡功勒碧雞巔叩作當衝要官曹
少靜便調符過赤甲轉粟上青天且敘天倫樂還期道性全
傍岩圓半畝記曲閣三椽取次開琅篋周遭葺蕙櫟雪回雙
鶴舞霞襯百花妍作達淵明酒耽閒子敬祖趨庭懷實橘事
佛坐依蓮

兄自號蓮
跌侍者

爐炷雙烟麝甌烹八卦泉

碧

襟懷賴陶寫

愁思莫繁牽吳樹知秋矣巴雲望渺然涼風敲竹柏暝露墜
蘭荃古壁琴徵冷銅荷蠟淚灺螢飛烟漠漠人靜漏涓涓浩

森江湖憫寒暄節候遷魚書空往返蝶夢屢廻旋我只懷康
樂君應念惠連蓬蒿掩荒徑糠粃伴芸編騷鬼能爲祟書淫
竟莫痊淒涼賦窮鳥惻愴聽鳴蟬藥苦知誰共膏明只自煎
迢迢胡至此偈仄擬終焉豈有干時策空思負郭田獨行無
歷負百足望夔憐破悶爲佳耳尋途各勉旃感秋魂懔恍望
遠涕潺湲甚處堪投筆終須早着鞭角鷹刷毛羽霄漢看騰
騫

東鄒寶松太守三十韻乞臺灣府志

島嶼窮溟外波濤積水東領符分虎竹懸簾繞蛇弓騶從專
城貴旌旄列郡雄海疆來杜母蠻俗仰羊公威惠三年遍謳
謠四野同歸裝辭越嶠鄉思值秋風異境超區外奇觀入眼
中此行凌渤澥直擬鑿洪濛蜃市吹嘘幻魚雲刻畫工颶風

晴颿颿陰火暝熊熊水豹翻層浪花鷹振遠空金沙華蛭紫
鉄網女珊紅漢石堆殘錦秦橋界斷虹路疑圓嶠近穴豈沃
焦通夜泊鉛爲碇晨裝錦作幪衝波廻鵲舫撾鼓渡鯨宮五
柳家猶在千桑願已豐閒尋遂初賦自署樂天翁寄興琴書
酒關情把菊松室餘廉吏棠人愛使君驄許靖鄉評美王球
族望崇壺冰開皎潔佩玉戛玲瓏昨歲虛投刺今晨幸發矇
上林賦題
今日發蒙迷途哀病驥末技獎雕蟲賭墅陪安石開樽謁孔融
有心希剪拂刻意自磨礪鯨島侏儒俗龍編幽怪叢可能蒙
惠贈便足破盲聾跋浪乖奇志蟠泥抱隱衷從今誇海運矯
翮待飛翀

澄心堂紙二十四韻

記昔風流主爭雄翰墨場新詞何妙麗小札最精良巧織光

明錦勻鋪細膩霜品方蠶繭重價比衍波昂進御君王笑拈

籤女史忙繙來金葉底擘向綺筵傍妙墨留仙子

韻

香經寫

法王紅鈴署鎮隱

後主自號鎮山隱士

艷曲記娥皇方翹黃羅面燒槽紫

錦囊一般供玩賞終古怨興亡五夜家山破千年劫燼颺灰

都作蝴蝶魂不化鴛鴦風送迎降表星飛告急章聚時勞護

惜散日太蒼黃故國春江冷羅衾夜雨涼纏綿歌半闕慘澹

墨千行無復廻鸞影空教齋蠹糧叢殘歸史館粗使給文房

歐公五代史用此紙起稿又聖俞詩云郭給粗使供稿蠶

淳化銀鈎揭宣和玉局藏諸纔聽白雁識

又應紅羊梅老新詩在王郎舊志詳奇珍易零落尤物幾滄

桑兩軸如相贈千金可許償好同龍尾硯軼事話南唐

碧紗幮十六韻

紫貝冰紋檻明螺瓦字櫺桃笙涼乍展網戶靜初扁暫却蒲

葵扇教移雲母屏，千絲成巧製十幅。可中亭水玉寒纔凝，秋
雲澹欲停薄衾。裝翡翠輕翅，擘蜻蜓螢暗，分光綠蟾孤逗影。
青雙烟繁寶篆，列點數空星燈穗。看來澹花房，摘處馨倦眸。
時旬線悄語，倍瓏玲小掛龍皮拂，勻排犀角釘密防蚊陣入。
慢遣蝶魂醒，白板烟中舫。紅羅水上亭清疑通溟滓，深好護
娉婷却暑眠。方穩遊仙夢，亦靈碧城十二曲。曲曲記曾經。

寄呈述庵先生

憶昔遊京輦，青袍拜月題蘭成。初射策，德祖尚垂鵬氣象。
瞻嵩岱文章，仰壁奎雅懷開朗。月橐氣吐長霓，入座皆瓊藻。
升閑盡駸駸，登龍爭御李。題鳳詎嘲嵇。謂開門叔華竹橋仲則諸君謬採蓬蒿
質，容參桃李蹊。浣腸吞寶篆，刮目得金篦。賦手驚鸚鵡，詞鋒
淬鸕鶿。橫經問萊叟，就席對楂梨。升斗原爲養，聲名敢厭低。

金臺纔奉檄燕市遂歌驪別淚緣纓落新篇滿篋攜師恩逾
鄭重吾道在提撕客路關河迴勞人面目黧風塵從漫浪朱
墨學勾稽虎尾危曾躡焦原險屢躋一官來絕徼六載此卑
栖旌節移三輔絲綸下九閭高秋雕鶚翮遠道驢蹄關
吏迎輶傳邊氓識組主祥刑平庶讞惠政樹羣黎畫戟黃圖
右烏臺紫嶽西稍欣雨丈近仍恨笑言睽昨歲遭兵燹儒生
習鼓輦狂塵奔狹獠賊浪沸鯨鯢誓死孤城在輕生一劍提
飛灰黯樓堞猛火照孤鉞日重圍解星郵尺素齋一緘詞
愴測七字韻清淒惡鳥巢旋墮妖狐穴盡翠感深神恟怛痛
定涕流澌羨喜身無恙休嗟命不齊宋人空刻楮楚客尙吹
壘蓬島風頻引銀潢路轉迷往來旋磨礪進退觸藩羝已分
安蓬藥何心慕錦綈公言真可憶鄉思浩無倪蓉渚尋漁舫

龍峯灌藥畦菰蒲期射鳴柑酒好聽鸚試問飄零者何如歸
去兮故山聞怨鶴舊事觸靈犀柳當簷脫蛩螢繞砌啼思
枯抽禿管興索拊空晚落日回陂雁寒烟嵐嶺颺銍光秋淡
淡林響晚悽悽夢去星沉水書來雲憶泥無絲奉譚譙幾度
隔喧妻幾下邀三嘆車前試一嘶陸倕知已賦重疊寫香緹

伏羌紀事詩一百韻

聖澤敷殊俗

天聲震八紘花門何醜類草竊敢縱橫

爲尋仇啓妖由構煽成

逆回田五謀復新教勾引匪類修理石峰堡爲聚衆之地

鼠牙工發覆蝸角

怒相傾

先是賊匪約於本年五月五日起事緣回民李德得首先呈告未及期而遂反

方鎮空持重中權孰使令

養癰憂內潰躡尾失先鳴

時賊由府城攻靖遠縣掠而南官兵尾追疎於堵截

濡滯師將老曉騰

敬果勃誰當擒罔象無計制長鯨祖厲朝呼渡

時將遠從逆賊以誘賊民沿流而下

下蕭闌夜斫營

西安州營被劫四月十六日事

定西仍聚落

賊首田五聚於狼山陰黨徒自餘人遁至官川招集安定回匪

賊勢
涓涓北却翻城賊聚劫通渭之馬營監進攻縣城一夕而陷 獲爾當陽邑伏羌 相連一日

程號肩虞是南邾柝魯聞聲中夜荒雞噉高巖石鼓鏗先是伏

夜半輒鳴占云有兵又境內橋中聚山有石鼓相傳鳴則兵起 重圍占月暈芒角動星精縣尉標完節先足伏

五月初九日賊破通渭縣令王棲謂通渭典史揭模自經死 將軍著烈名明都統孫參戎奮勇擊賊山 沙蟲師

有劫風鶴信頻驚陸地機纔發地發救機龍蛇起陣陰符經 蕭牆禍早萌朝三

狙暮四晝伏鼠宵行無奈禾生莠難教石化螫投牢寧有術

鉤距遣誰偵伏羌武生馬稱驥兄弟數人計約內應包藏外賊城中居民頗有知其姦者 狠卜陰謀世犀燃詭

狀呈羣姦方擾擾數士獨錚錚義可捐妻子情誰顧舅甥回

馬映龍即馬中驥甥也 矢心先告密雪泣自輸誠嘉爾殊慷慨繫余不聽瑩

終然邀上賞可以定輿評五月十四日回民監生馬映龍白中樞馬密元將軍

未能至機督率漢回民共上城外護以為回民不便令守後李制軍稱驥等逆謀肯告伏莽向未設兵星馳告急官兵

到縣以馬映龍等舉發內應守城出力賞給武弁割付外議遂息 衆志堅堪恃兇

鋒猝敢攫卧熊吞貉子喉犬搏狸狂狡窟憑憑懼妖酋競抗

衡交衡長鍛滿狹巷短刀迎煙臂窮猶奮鏃眸死尙腔駢頭

填犴獄連頸縛徽纆

五月十八日請兵未至而馬稱驢等逆跡斷露勢難復待決計擒捕賊已持械而出當時格殺者馬映驢等四人餘

皆先後就縛

內患方消弭前邨修門爭烽烟騰土埃賊騎漫山坪八

日脫即有鄉民報縣賊由縣北鄉巴斯坪各邨莊竊者同民大掠而進

跣足夫攜婦摩肩弟覓兄倉皇棄髻

訕嗚咽哭嬖嫫近郭人流血環郭火敬明姚墟餘瓦礫謝墅

剩榛荆

縣北五里姚謝家莊有武生姚以寧等率眾拒敵被害尤烈

謀或千層沸行如一足蹶飛揚

氛甚惡跳盪色何惴呀聞夔牆壁喧厯拆棟薨陣雲愁蹶蹶

邊日慘光晶滿谷驅牛馬連車藉稻秬爭先誇趨捷走險據

嶢岬

縣政圖縣城城天門山札營距城僅一里許

巖邑周防早徵官性命輕俠賜原耿耿

獨行信礪礪黑子城三版青萍水一泓周苛惟誓死傅燮敢

求生竭末才無敵羊何氣並英射鴈驚解律倚馬笑袁宏

曉鳳登案從姪黃山秋學園城時告急文勢只伸孤掌危還藉眾擎帶刀

舉其手而黃山登城射賊竟獲一人

農佩犢

時召募鄉勇多至千餘人

持戟士離轡

邑諸生魏輔若王表等均有幹畧悉令守城

健婦俱行汲

蔬童亦踐更奔馳勞僕隸捍禦賴髡黥

流人李忠等上城禦賊頗為出力

流電飛

箠落狂雷巨礮轟登陴均受甲給廩免呼庚四日孤壩在干

夫一瞻并徒勞設架麗屢見碎衝軻

賊積草盈車伏車下逼城屢被鎗石擊斃

天意為誰

怒民心笑爾傳

賊連攻圍四晝夜城上矢石如雨斃其首從百餘人賊胆懼怯遂不敢復近

如棋爭劫勝似博

殺梟羸侵曉憑樓堞遙原見旂旂烟塵飛候騎笳吹到援兵

象主羣陰遯爻占大道亨危巢徙梟鴿舊穴聚狐麋

二十二日李制軍率兵到

縣賊輒輒敗遂於二十四日遁走泰安由底店仍聚石等堡

自昔恢王度由來仗國楨班資周保傅

勲閔漢公卿

補制軍暨英勇中堂先後率京兵來甘肅勦秦蜀各路官兵亦陸續集

玉節威行部銅符事遠

征指麾皆頗牧趨走盡韓彭爰舍嚴刁斗轅門急鼓鉦羽書

千里應積聚萬囊盛續挾全軍煥醪投衆士醒兩甄排稱妮

列騎雜斑駁貳負強遭桔防風窘待烹長圍羅劍槩險道斷

溝坑

賊困守石峰堡我兵四面圍絕其汲道賊窘急乞降我兵乘機攻剿賊巢遂破

羣慝應簫勺神姦首滿盈

臍膏明似燭項骨脆於菁

項骨脆於香羹菁見盧全詩

困獸攀籠檻游魂戀釜

鑪肘跗紛磔裂骸骼亂枝撐烈烈摧枯枿炎熒燎聚蠹累累

俘婦女婉婉曳孩嬰或有逋逃藪其如置網緝自知應斧鑕

初不假笞撈

縣中從逆回匪有自底店竄回各鄉者獲之概一訊而服

革面從文豹遷喬慕谷鶯雨

曹生有路今代獄惟平

近奉 上諭良善回民仍令安業毋許株累有向從新教者許其改歸舊教

寬大羣方

悅明良百度貞直教空貫索奚止掃櫬槍歸馬秦川迴回軍

華嶽睛虎牙宜俾畧龍額錫殊榮

編制軍特賞侯爵

銘擬燕然勒歌同

漢樂賡歡聲溢闔市和氣叶韶箴溫語傳丹展

恩綸出玉

京燭租憐瘠壤給復慰疲氓賚溥金兼粟仁先獨與惇高欄

蓋焦土殘趾掩荒塋

奉 恩詔凡被賊焚掠傷者卹卹均予賑卹 恩德優渥

痛定微軀在腸廻百

感縈失時幾拾涕愆熱憤吹蕤彈指間浮劫當場傀儡棚青

山招遠夢白水憶前盟關隴 皇威暢邊陲戰氣清江鄉

三畝宅何日好歸耕

吳 照

字照南南城人貢生官大庾教諭有聽雨齋集

蒲褐山房詩話照南才華清綺談蕩不羈少從張觀察銘來松江過吳門得詩法於禮堂光祿一以唐人爲師及子至江西照南派流弟子禮餘人不直掛眼也通六書又工畫竹人以爲金錯刀之比予江西門人中有三吳之號謂雲衣蘭雪及照南也

辛亥暮春武昌東郊外覽勝

飛英滿漢皋芳草徧楚甸佳賞愛餘春覽物增眷戀決決野
田流喧喧林鳥嘯試泉記卓刀訪古失臺殿遂陟洪山巔縱
目盡鄉縣天遠指長江雲氣亦屢變旣喜風盪襟更無塵障
面琳宮與紺宇偶憇情所便緇流遁虛無羽士託修鍊雖蒙
智者嗤自有愚人羨晚鐘催夕陽高興未云倦藍輿望城闕

萬靈飛薨見願言續後期江漢恐遊行悵然念旅羈流光疾如箭

子雲居士和予春游及惠墨詩卽贈一首仍用春游

韻

詩名三十年子雲在海甸閉精斗室中掃萬惟一戀春花媚青陽嬌弄百禽鳴剗天無纖雲彈指現宮殿我求大雅才汗漫歷州縣騁轡誰知歸拘牽了難變換骨要大丹不敢飾頭面疥痔一身在安得體輕便冶金葉洪爐篝火妄烹鍊寶色俱晦埋入市誰肯羨我每讀子詩洗眼去昏倦古者吾旣知今時實稀見詞壇幻魚龍百戲呈曼衍放遲談吐鋒請問機對箭

銀槎詩

嘉興銀工朱碧山槎杯始載南邨叟元朝學士競獻酬明三

百年缺談藝北平初記孫公藏萊陽曾聞宋氏守證以歌詩

皆壬寅游蒙詩背鑿正壬寅字攷之江邨乃乙酉范西槩杯首有岳壽無

年朱李皆嗟不作雙朱竹垞詩可憐雙鯉今成鯨漁洋記錄忽成偶易

孫退谷嘉業各藏銀槎一生未見銀鑿落是一是二疑難剖今年九月邗溝

上西溪主人置樽酒筵前捧出博望侯乙酉款識鐫諸右再

三疑是高家收卻少額端題岳壽定知巧匠製必多雙鯉流

傳殊否否主人笑我太饒舌倒瀉銀河吞一口摩挲試認尋

源人民袖飄然垂左手蒲萄滿酌大西夏浩蕩乘風獨翹首

所渠千七百一川卧看輪迴鳥兔走怪爾尋章摘句徒那識

河源接星斗千里一曲須千卮何事姓名證誰某孫宋諸公

安在哉辨論雖多徒覆瓿與其身後虛名留不若生前一杯

有此杯此客在維揚他歲他鄉說癸丑難從敵女問支機且
對黃花爛牕牖置身我亦入槎中視崑崙虛如培塿

天門山

長江流萬古東下鎖天門滄海一髮盡秋陰千里昏飄零感
身世俯仰信乾坤搔首平臺上茫茫誰與論

天一山晚眺

遠浦樹蒼蒼千山帶夕陽晴嵐浮郡郭烟火隱帆檣樵唱投
村晚鐘聲出寺長登臨發清興仿佛似瀟湘

孫香泉招同沈春林項直菴沈白華楊緒堂小飲時
香泉將歸吳中

小閣開尊煖氣和酒鱗艷艷欲生波半酣我亦諳吳語高會
人休學楚歌十幅蠻箋花樣瘦

沈春意于耿首
有無題詩八首

三篙春水別懷多

平生未減飛揚氣容易逢場醉臉酡

於越訪友人

柴門依約傍江隈雲樹多情喜再來秋水船隨湖雁至故人
尊向桂花開貧賤卽壑原奇福老閱風霜作散材我欲買山
同卜築青松翠竹許分栽

閩門偶興

五湖浪跡笑西東一棹吳門興未窮十里市聲烟樹外百分
春色酒船中平橋水暖彎彎月畫閣晴開面面風千載姑蘇
行樂地莫將身世感萍蓬

城北遊春

樓遲雨度金陵客又見韶光轉歲華路熟重尋前代寺天晴
補看去年花平湖馬洗春波綠廢苑鶯啼細柳斜今日同游

須盡醉解裘先質酒人家

贈陳古漁

跣跋風塵計總非
論交先嬾叩朱扉
頻年白下稱流寓
今日江東識布衣
老眼看花清淚落
名山載筆賞音稀
古漁輯有樓設山志
嫌骨相多寒瘦
我輩從來要忍飢

金陵贈古漁

千里相思喜合并
蕭疎白髮啓柴荆
氣吞湖海襟期濶
老閱炎涼感慨平
歲歉尙能安素食
詩工原不礙狂名
一尊細酌疎窻下
笑指東山月正生

贈牧野上人

重理琴書客秣陵
舊游剩得幾詩朋
投人自笑非高士
安分居然羨老僧
簷角葉飛渾似雨
霜天月皎不宜燈
與公試話

年來事招隱名山是上乘

金慰祖

字繩武號蘭岵嘉定人貢生早卒有綠雨山房吟稿

蒲褐山房詩話蘭岵觀察洪綏之孫詩才繁富南昌彭司空元瑞視學東南愛之七律如飄零弱主封歸命憫倖詞臣著辨亡忠臣終惜袁開府各士應羞諸彥回燕子話殘樓外雨梨花夢斷夜來雲欲消寒意添龍腦頻愛微吟凍兔尖鼓祠山火歸鴉噪斷岵斜陽牧馬嘶客路吟箋留幾几故人歸信隔烟汀諸句爲世所稱而五古清遠七古排募駿駿入古人之室拔貢赴都尤爲子文襄公所賞新官遠賦時論惜之

虎跑泉

蒼烟滿前山溪行欲無路微聞流水喧遂溯源歸處孤亭寒
竹色斜光澹春樹寂歷青嶂重迢遙翠微露松花點塵衣鐘
響靜凡慮平坡巨獸蹤滉漾清泉注瓢飲叢筠間禪扉濃綠
霧不見古導師徐詠坡仙句

夜登獅峰遂宿留餘山居

暮色蒼然來殘暉黯前巘寒碧落我衣俯視月在澗獅峰出
羣岫登陟寄遙眇清燈耿岩扉孤磬發齋館晴嵐靜欲無湖
烟翠可卷投宿空亭幽啓牖虛光滿叢筠翳蒙密長松半凌
亂冉冉疎花香霏霏夕露泣濺澗響寒泉隔葉吹山犬旅思
旣蕭條晚風益清善一與勝景值乍喜塵踪遣欹枕候曉光
探幽肆游衍

曉行九溪至理安寺

東嶺睇朝暉西峰躡殘月崖束奔細泉林長聳清樾沉沉露
氣滋皖皖禽聲悅夢入亂山深花隨曉雲發遂陟玉鈎橋因
尋涌泉碣何處聽江聲停輿叩孤剎

拜繆文貞公墓

蒼蒼彭越山渺渺長涇水云有繆公原荒阡近村市嗚呼明

季衰朝廟綱維弛巨璫持太阿羣奸受頤指公也本史臣感

憤司載紀奉使渡瀟湘發策詢多士規其識所存庶令遇無

詭公典湖廣試發策試士有刺及宦官事魏瑄銜之激昂忠烈章宵小魄潛視維公斧鉞嚴

點竄引經史楊忠烈公疏劫忠賢二十四罪公爲潤色奏草瑄益心憾之平生薄蔡邕志豈美官徒

百折且不回三遷詎爲喜瑄以公文望遜諭德巍巍玉泉岡營壙窮華侈

索記等南園斷腕不可使叱咤壽寧侯倭黨額有泚瑄營生壙玉泉山令

其客以碑文請公不可客復引壽寧侯事爲公題公題目此之達及禍丰裁凜自持天地道終否九關虎豹

森傷哉王度糺造爲羅織經肆以鬼蜮技誣良託苞苴告密

同投匭慷慨就囹圄殘酷肆撈捶瑄與公各于織造李賢輩中下獄無司爲許顯純羅手狀意欲盡

清流何由達天咫尺一網善類空寧徒六君子謂楊左叟頭六公覆盆洎

得伸國已傾宗祀暨陽僅彈丸同歸公與李謂李忠毅公應昇亦江陰人同被禍百

世其咨嗟高風激頑鄙我來古道旁維舟探汀芷再拜淚潛

湖海詩傳卷三十五

三

然徘徊睇中沚長松夕靄寒亂水平橋圯登隴想東林春山
百餘里魂氣時往來乘此虹梁紫酌酒拂蒼碑柁轉啼鳥起

讀史偶成

貞非柳下惠寧學魯男子廉非吳隱之勿飲貪泉水爲介毋
爲通律身慎于始萊公附朱能終貶雷陽里昌黎三上書亦
爲識者訾君子在困窮何徒豔朱紫枉尺而直尋得彼已失
此

岌岌東晉朝瓜分少完土江左多英流琅瑯羣輔誰令王
茂宏庸才稱仲父睚眦死伯仁流涕亦溪補敦也叛逆同假
破東征斧佳傳惑千秋誅心等蘇峻祖駒當時第一流我服

溫忠武

吾觀李贊皇雄謀足經國僧儒小有才駕馭亦稱職果能任

怨尤何難靖河北顧惟門戶私反覆窮擠抑不見廉闇徒獨
忿相戮力平勃志安劉交懽資輔翼如何英達人乃遜武夫
識

長卿能諫獵顧上封禪書子雲守太元甘爲莽大夫定識苟
未足文彩寧有餘詎諧東方生侃侃陳六符陞戟辟董偃卓
犖雄詞舒下視嚴與終渺小竟焉如

同易圃先生暨蒙泉登虞山劍門峯頂作歌

虞山高峻蜿蜒劍門尤峭蒨十載經過未一登空說嵐光日千
變

虞山峰巒向背陰晴且暮隨時
異色雖善畫者不能曲肖也

曉來舟泊尚湖濱山翠蒼蒼壓波面

寒衣一徑上籃輿吾谷盤紆態婉變線路狹與猿猱爭竹絡
頻欹目震眩祇餘絕巘掛藤花每遇橫坡失香殿折坂行如
旋磨蟻危樵遠類依檣燕半壑微聞鐘梵清百迴始有虹橋

見連崗複磴真宰愁特擘雙崖立薛片森然十丈露嶺呀疑
躍金精飛紫電呼噪取象蜀閣門不知誰貯仙人箭是時蓬
勃天風號瀑水砭崖玉花濺崖高束風風不行倒捲珠簾拂
亭院茫茫下視極梯田千頃春湖僅匹練嶺花來鶴望依然
形似可求憑野諺

吾谷東爲美女獻花巖又向湖盡處有龜
去鶴來形蹟望之過似皆土人所居也

却愁烟霧隱

長涇中有佳人舊文譙

于谷居長涇去虞三十里
望中潮流如帶伺可辨觀

何時小隱其山林

漫結團蕉置琴硯迢然長嘯幽谷麀大地空濛春欲遍聳身
東望海雲黃銀屋龍堂濤曼羨高城百雉半依山萬井樓臺
壯哉縣我生未爲遠道行西僅金陵南薛澱今春匝月涉錢
江衣上征塵客游倦豈知靈境在意外海色湖光登隱現富
春老人惜不逢潑墨憑誰寫東絹徑欲斗酒登湖橋狂醉題
詩續橫卷勿令寂寞笑山靈美勝蕭條隱隴甸王公才名冠

燕臺談詩望重金闥彥張侯下筆師鐘繇往往求書捉葵扇
相於唱和盡可傳曷不誅茅事著撰山僧遠致玉蟹泉亭午
供客伊蒲饌遺聞軼事足諮諏欲問歸途餘眷戀他年雲棧
訪前游記取圓坡谷鶯轉

出牖行

酌濁酒揚清鉦船頭喜望臨清城洗汶之泉九十七盤紆羅
帶相交縈濁流有聲西北瀉誰挽地脉回東行靈風飄旗高
不捲漳神祠屋羣鳥鳴連朝阻牖喜放溜瞥如蒼鷹掣鞬翔
空冥登艫長嘯一舒目蒼然平楚秋原晴長年爲余言此途
足畏無羈情君不見會通之浚本漕粟設官節水權虛盈千
檣萬艘集春夏百夫邪許尺寸爭翻資小吏成利藪垂纆繫
板撓征程七十二牖孰飛越不惜客子愁沙汀君行兩旬秋

水濶縱稍濡滯旋揚舲人生快意豈有極涉歷務念心太平
聞言默自警斯語宜箴銘捷徑恥投足遲速隨所經有牘輒
愁孤艇滯出牘又患關津征不如衛河桔槔叟夕陽飲犢歸
柴荆

題述庵先生三泖漁莊圖冊

泖湖百頃流澹澹涵涵青漲綠迷釣石九峰綿延遞環接倒影
明鏡浮嵐雙水鄉清嘉絕可樂春有茶笋秋蘭芷平陂數椽
對孤塔松毛縛屋蕉遮牕公昔讀書樂烟渚豹隱彷彿襄陽
龐一朝射策登上第龍文百斛健筆扛千言揮灑工奏賦
朶殿珮玉趨琤璫經綸報國展奇蹟大兵西征金鼓撥元戎
借箸資贊畫淇池焚道經崆峒飛書草檄磨盾鼻機宜洞合
堅碕降甲兵小范足方駕曷數唐蒙通冉駝梯山棧谷悉歸

化荒徼窮壤成耕耰古來文人志開濟豈徒翰墨驚冥齋師
還迎勞加懋獎賜翎圖像宸恩厯卿班累沐不次擢南臺
霜簡羣震懼屬車九九備顧問扈從誕歷東南邦帝
心簡倚念陳臬特遣身服臨西江洪都千里波浩淼津頭伐
鼓聲逢逢明刑弼教昔所重敷歷佇見張牙幢惟公居榮志
恬淡清夢往往思漁鱉憐才愛士勤汲引座盈嘉客傾金缸
蓬茅亦復荷培植洪鐘常許寸莛撞自公南行悵失倚人海
不啻聞音登敞牖距泐一衣帶乘風屢掛芙蓉雙披圖注目
獨神王荻蒲春雨飛流淙楓涇朱涇瀉新漲瞥若急峽喧驚
瀧漁舸葉葉出復沒亦有官蒯維柳椿公昨給假今迎養暫
閑干柄蓮花鰲豫章烟水亦絕勝滕王高閣標文杠綸扉
調鼎旦晚聽宣召從公話游三泐京國挑銀缸

夢游雁蕩山歌東注少山丈

我聞雁蕩之峯百有二精藍十八青螺巔謝公好游屐未到

層崖半擁兜羅綿東甌地勢濱滄海鞭石驅山仗真宰龍湫

百丈掛珠簾似與天台爭歸葬先公往日曾專城芙蓉鑿石

留題名

丙寅秋先大父有游雁蕩詩
同吳副使集亭刻石芙蓉山下

二十餘年已陳迹憐我選勝徒

殷情浮溪詩翁曠世才昨朝筇杖東南來爲言絕頂見湖雁

十谷八洞窮崔嵬羨翁振衣歷孤迥未得相從遍靈境酒闌

日暮夢茅龍月明飛度丹芳嶺陟嶺氣高寒天梯碧巘屹四

十九盤倏眼底石梁橫亘青雲端蓮花芝草左右迎玉女天

樂鸞鳳聲

蓮花芝草玉女
天樂俱峯名

羣星搖搖若可摘菱筍卓立雙崢嶸指

靈峰之磴嶽凭罍名之軒楹神龍蹙水雷雨急隨風變幻天

瓢傾羽旗爛漫展未捲藥杵時和哀猿鳴

鳳凰藥杵諸峯
俱在東內谷

洞天石

門呀然啟雙娥二八銖衣輕紫簫乍低芝蓋轉仙人冉冉來
容成千紉百折攀岩噉數椽倚壁三重茅道逢陳覺莞爾笑
贈我紫蒂細紋桃事見麻溪山志斗城縹緲甌水迢迢鐘聲聞起松花
徐飄極睇滄溟一杯耳天雞夜半鳴寒潮萬峯紫翠遞深淺
紅輪騰湧蓬萊椒浩歌一曲發遐想逢逢澗底迴長飈方控
鶴翎更西去冷然行訪黃巖路風馬雲車乍有無驚迴清夢
芸窗曙紅裝枕畔雁聲高不知門外烏啼樹斤竹澗白雨潭
此中山水心所詣青鞋布韞終幽探期翁他日徑攜我合掌
峯下尋羅雲

送王鶴溪先生之粵有感先大父奉使舊事賦呈

江左風流客扁舟萬里行春烟六榕寺殘月五羊城崖勒新
題句碑留舊使名憑誰徵往澤白髮海南生

惠山僧寺題壁

山翠入江明
山雲出岫輕
半巖開梵宇
一面對春城
虛牖靈風肅
寒潭孤樹清
烹茶懷舊侶
經歲動吟情

冬杪得邵荻香書

意氣與君同年
年尺素通離心
繁舊雨鍛翼感
長風置袖沉吟
後挑燈涕淚中
今宵山閣夢定
逐海雲東

雨夜獨坐有懷荻香

獨聽風檐雨
瀟瀟竟夜寒
劇憐花事減
因憶客衣單
海色侵華髮
春塵蔽素冠
欲乘新漲水
放溜到空灘

無題

集唐

爭引秦娥下鳳臺
且將團扇共徘徊
杏花滿地堆香雪
蓮朶含風動玉杯
綠綺韻高湘女怨
銀泥衫穩越娃裁
良宵更有

多情處玉漏銅壺且莫催

也同歡笑也同愁簾下三重幙一鉤忽展彩牋書別賦願爲
雙鷺宿中洲蛟綃霧縠籠香雪錦纜牙檣起白鷗日暮酒醒
人已遠烏啼花落水空流

吳梅村墓

古桑離立蔭佳城祭酒荒阡落日晴兩代詩名元好問畢生
心事沈初明留身豈爲前朝史紀寇彌傷勝國兵蔓草寒烟
餘恨快王京遺隴亦榛荆

藕香讀書資善寺暇日過訪卽事

貓頭新筍秀林扉宿雨方蘇梅子肥紅蕊半殘蜂嬾抱綠牕
斜掩燕交飛讀書新有珠船獲論古還看玉麈揮我欲雲亭
頻問字休嗔屐齒破苔衣

樊東道中有懷卧雲舊游

麥花香裏碧溪灣
藹藹浮雲自往還
古寺綠陰飛鳥外
孤村人語夕陽間
曾題薜墨移春檻
憶醉鳬觴疊石山
陳迹磨牛頻悵快
忘機輪與白鷗閑

雪中過花田

試罷春山第二泉
又披風帽過江天
石橋珠塔花田路
十里叢梅雪打船

夜過露筋祠

白蓮花落畫橈遲
湖曲微風拂面吹
三十六陂環玉玦
月華涼浸露筋祠

漂母祠

一飯艱難託釣絲
英雄舍母更誰知
可憐纔奉千金報
已是

己藏鳥盡時

泖溝過留侯受書處

報韓亡命泖溝里大索猶憐秦網疎燭盡六經誅偶語野橋
又授一編書

汪中

字容夫江都人貢生

蒲獨山房詩話容夫多聞強記經史金石悉心研究嘗得漢石閭書以五千貨從
寶應身歸其籍如此性情兀傲凌轢時人故人多短之中年受業於予欲自比于
王給事念孫及給事子孝廉引之經劉教諭台鼎索予爲文因舉孫樵李肇司空
圖行在三絕焉比容夫喜劇作書數百言以謝容夫故贊子與畢總督沅宸書鹽政
全君德傳掌大觀堂所 頤四庫全書因此所入頗豐及全君移任杭州又因其
兼掌西湖 賜書容夫赴杭同人儻錢飲之大醉比曉而卒生平所著有廣陵通
典三十卷春秋後傳二十卷述學四卷又選屈宋以下哀艱之文爲傷心集若干
卷比其歿也予撰著作皆不可考既聞學元僅獲其述學重梓之劉教諭欲其
集亦不能多得也詩非所長從淮游英靈集中
知得一首秋塘見唱亦徐友長董雨若之比也

辛卯三月二十一日夜和黃仲則

景仁

叢薄風生窗浙浙夜火欲盡作青色病客獨坐毛髮立鬼適
何來太相偏颯然雨落林鳥啼空堂曳革行來遲終夜作索
心然疑天明向壁塊然卧與汝相守能幾時

李旦華

字憲吉嘉興人集子貢生有青蓮館集

蒲嶺山房詩話憲吉爲同年釋初之子以拔貢入京師才華籍甚館於千文襄公
即舍半載而亡于悼以詩云青蓮舊館荒蕪蕭白石新詞感慨多姓名無復堪銀
榜詞賦偏教動玉樓身非金石原
難料筆有詩書定可傳爲坊所誦

試越中新茶

松風吹竹爐香彼溪水活愛茲雙鳳團厥產乃在越綠花色
可餐紫筍芽乍茁封題試一開其氣已秘醇我聞苦茶樹爾
雅紛羅列仙家垂方書久服換凡骨顧渚與武夷歐蔡盛譜
述豈知種獨殊方物補越絕始歎千巖秀鍾毓何慈鶴憶昔

門酒兵蒲萄正新醲西施乳最甘銀盤尊更滑一飲三百杯
豪氣猶蓬勃露沉月已微三更起酒渴都藍列選具珍重乍
拭拂貯以春甕深吹以桂火烈紅雲壓雪碗乳花初下咽如
御含風袍清飈生頰舌迢迢會稽山勝境徒恍惚浣紗江清
冷芳草猶未歇會當一振衣烹泉坐林樾

洞溪二賢詩

明巽隱先生程本立

先人代偉人立身庶完善正學崇魯鄒勁節凜冠冕誠能格
象主法必本經典屹立疆固姿喬岳一盱睥鬚眉成器美
質抱瑚璉廓然大肆志章句屏蕪舛問作塵外游宿儒其循
勉偶訪環中老爲賦惜日短蕭寥金華山學海百川卷危緒
懸一髮緣督得連弗出除親王吏賈韋同華選諷諫臣心苦

滇洱膺呵遣道勝無窮居異俗豈難返馬判避車輪鷄神馴
闌圍戔戔西平公依倚輯緬甸摩盾一紙書羅鬼得蘇喘點
蒼與格孤濃綠浮新鬢奏計閭闔趨文章得遷轉執簡副中
丞視草遶詞苑豫章綰銀符靖難更兵燹親藩篡逆成事不
睹編簡平生學何爲畢命意施坦同時方練輩大義共推闢
芟夷一朝盡清流空京輦李詎代桃僵桂不爲蘭免嗚呼唯
先生全歸獲所踐絕學開吾邦奇節不自顯一編最後出雷
電護蟲篆信知派別真異代得流衍大雅有傳人異說毋橫
冒

楊園先生張履祥

大道著孔門忠孝本學術猗嗟楊園子曠世挺昭質乾坤合
屯艱時議方橫出甘陵南北部國亡罪未雪先生顧之憂沉

痛腸內熱負笈山陰門大義見削札如披炎午文潒祭文山
活齧指棄諸生哀衣猶裹血其時羣盜橫餘殃及枯骨未就
馬驚封已毀鴟鴞室長號迫中腸匍匐卧坯穴可憐終身喪
麻衣表袒褐志業晚愈醇詩書光未竭元明超等倫宋賢庶
彷彿卽登先師堂亦在狂狷列嗚呼子少孤荼苦送日月氣
盛志益銳雜學亦馳突孤島思徬徨歆舛足窘室飄然指康
莊測景仗圭臬廻畧大荒來百派辨芒芴所以古醇儒始亦
墮禪窟著書多質言立志絕迂闊庸行未易敦往往懲前失
苦思彌和平憫世釋憤疾躬耕隱石戶食力義所切旣念鞠
子哀復恐正學絕豈知濫朝露運會固莫奪弱息已摧殘門
徒盡蕩析誰能叫帝閭石破秋雨裂細思無含辛終當配前

哲

題馬令南唐書後爲金秀升先生賦

唐祚終三百藩鎮劇爭門君亡國未亡正朔在天祐

朱溫篡唐而諸侯仍

稱天祐唐未亡也

區區五經兒草竊等窮獸史臣操褒貶歷數著作授

正統尊亂臣諸國書僭寇不聞蘭臺書作紀稱新后誰將春
秋義更糾歐陽繆我我江南君淮甸足庶富鯉魚飛上天
際跡著勞狄漢中琅邪王劉馬延餘胄唐祀苟血食世系更焉
究慷慨義士懷亦足慰思舊國史具勸戒一代垂法守江淮
盛衣冠詎可仍闕漏馬氏綴舊聞蝨簡拾颺馳千百存一二
哀然稱良構展卷三摩挲丹鉛勘句讀因思建國初生民望
拯救中原墜塗炭時哉良難邁奈何爭彈丸籌國廿年後八
閩尋干戈三楚拾顛覆迨後失淮南舉肥轉羸瘦風流繼六
朝詞藻炳文固誰歟老學庵未易校妍媸

詞律

後來傳十國茅

蕪此先就

吳志伊先生十國
聲款多取證此書

轉咽帝汴者蕪史恐遺臭

程咸九邀過寄圃分賦

薄鵲澄空曲浮嵐入夏清劇談聯舊雨前度聽新鶯

春間同春橋
先生過此

水檻桐侵帽山厨筍作羹夕陽銜半嶺改席策筇行

竹牖迎涼至疎籬傍徑開晚風生薜荔夜雨熟楊梅草已三

年綠人今幾度來忘形到爾汝把酒坐蒼苔

蹋臂從君慣疎狂奈我何坐來風燈久衣惹露華多自有觀

濠興空成扣角歌秋山叢桂發載酒擬重過

黃驂

字嶽領興化人貢生官口口知縣有雙江倡和集

聽雁

夢醒夜方半堂虛燈尙然幾人添別恨一水隔長天餘響度

雲外遙情依日邊莫愁霜雪逼春色八殘年

新綠

又隨佳日蔭高齋目送林於闕正排幾處落花尋舊夢一溪
流水問生涯濃分酒色才浮盞細染苔痕欲上階便擬臨風
過長夏午陰遊戲綠槐街

陳樹華

字芳林號冶泉元和人由蔭生官澤州府同知

蒲褐山房詩話芳林爲吳中名族祖父皆以詩名其少時愛左氏內外傳參稽攷訂至老不衰所著春秋內外傳攷正五十卷今存於阮芸臺中丞處詩非所長亦爲雅令

蕪湖雨泊

不悟謀生拙飄然賦遠游大江奔濁浪小邑寄偏陬落落誰
青眼悠悠漸白頭蕪湖風雨裏淹泊起鄉愁

游南池用清江楊恪勤公韻

訪友任城道南池得暫留亭幽渾忘暑樹密已含秋勝迹垂
千載閒吟起百憂四明齊李杜主簿亦名流

杜工部祠在南城外壁
上石刻有吳任城詩注

傳游南池詩太白樓在南城
上樓內有仙賀知章像

王述庵方伯擢少司寇惄惄北上送別之後獨游北
蘭寺追溯春莫邀同人讌集祀宋牧仲先生像于錦
津書屋用壁間元韻唱和余未及與撫景興懷輒繼
作奉寄

送別趨南浦尋幽過北蘭花光明曲徑鳥影落迴瀾薦藻遺
容在焚香丈室安風流今視昔不負好雲巒
紛華非素尚觴咏集閒亭照水掀髯白看山潑眼青會須憐
暮景應亦感晨星勝賞輸羣彥江聲此獨聽

秋草

秋來無復萋萋漠漠平原入望低
閒淡尙憐雙蝶舞淒清偏恨亂蛩啼
纔零白露朝烟冷試映青袍暮色迷
何處王孫最惆悵瀟湘江北洞庭西